

3 мая 2020 года
НЕДЕЛЯ 3-я по ПАСХЕ,
СВЯТЫХ ЖЕН-МИРОНОСИЦ

**Последование всенощного бдения
для домашнего (келейного) совершения**

ВЕЧЕРНЯ

Молитвами святых отец наших, Господи Иисусе Христе, Боже наш, помилуй нас.

Христос воскрес из мертвых, смертию смерть поправ и сущим во гробех живот даровав. Трижды.

Святый Боже, Святый Крепкий, Святый Безсмертный, помилуй нас. **Трижды, и три поклона.**

Слава Отцу, и Сыну, и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. Трижды.

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Господи, помилуй, 12.

Слава, и ныне:

Христос воскрес из мертвых, смертию смерть поправ и сущим во гробех живот даровав. Трижды.

ПСАЛОМ 103

Стихи избранныи: Благослови, душе моя, Господа. / Благословен еси, Господи. / Господи, Боже мой, возвеличился еси зело. / Благословен еси, Господи. / Во исповедание и в велелепоту / облеклся еси. Благословен еси,

Господи. / Посредѣ гор прѣйдут воды. / Дѣвна делѣ Твоя, Господи. / Вся премудростию сотворил еси. / Слава Ти, Господи, сотворившему вся.

Слава, и ныне:

Аллилуиа, аллилуиа, аллилуиа, слава Тебѣ, Божѣ. **Трижды.**

Слава, и ныне:

Аллилуиа, аллилуиа, аллилуиа, слава Тебѣ, Божѣ. **Трижды.**

Господи, помилуй. **12.**

Слава, и ныне:

Первая кафисма

Либо поем: Стихи избранныи:

Блажен муж, иже не иде на совет нечестивых. Аллилуиа, **трижды.**

Яко весть Господь путь праведных, и путь нечестивых погибнет. Аллилуиа, **трижды.**

Работайте Господеву со страхом и радуйтесь Ему с трепетом. Аллилуиа, **трижды.**

Блажени вси надеющиеся на Нань. Аллилуиа, **трижды.**

Воскресни, Господи, спаси мя, Божѣ мой. Аллилуиа, **трижды.**

Господне есть спасение, и на людех Твоих благословение Твое. Аллилуиа, **трижды.**

Слава, и ныне: Аллилуиа, аллилуиа, аллилуиа, слава Тебѣ, Божѣ. **Трижды.**

Господи, помилуй. **Трижды.**

Слава, и ныне:

Либо читаем: кафисму 1-ю (1-ю статью)

Псалом 1

Блажен муж, иже не иде на совет нечестивых и на пути грешных не ста, и на сѣдалищи губителей не сѣде, но в законѣ Господни воля его, и в законѣ Его поучится день и ночь. И будет яко древо насажденное при исходящих вод, еже плод свой даст во время свое, и лист его не отпадет, и вся, елика аще творит, успеет. Не тако нечестивии, не тако, но яко прах, еже возметает ветр от лица земли. Сего ради не воскреснут нечестивии на суд, ниже грешницы в совет праведных. Яко весть Господь путь праведных, и путь нечестивых погибнет.

Псалом 2

Вскую шаташася языцы, и людие поучишася тщетным? Предсташа царие зёмстии, и князи собрашася вкупе на Господа и на Христа Его. Расторгнем узы их и отвержем от нас иго их. Живый на Небесех посмеётся им, и Господь поругается им. Тогда возглаголет к ним гневом своим и яростию Своею смятёт я. Аз же поставлен есмь Царь от Него над Сионом, горю святою Его, возвещая повеление Господне. Господь рече ко Мне: Сын Мой еси Ты, Аз днесь родих Тя. Проси от Мене, и дам Ти языки достойные Твое, и одержание Твое концы земли. Упасеши я жезлом железным, яко сосуды скудельничи сокрушиши я. И ныне, царие, разумейте, накажитесь вси судящие земли. Работайте Господеви со страхом и радуйтеся Ему с трепетом. Примите наказание, да не когда прогневается Господь и погибнете от пути праведнаго, егда возгорится вскоре ярость Его. Блажени вси надеющиеся Нань.

Псалом 3

Господи, что ся умножиша стужающие ми? Мнози встают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующыя ми все: зубы грешников сокрушил еси. Господне есть спасение, и на людех Твоих благословение Твое.

Господи, помилуй. **Трижды.**

Слава, и ныне:

И абие

ГОСПОДИ, ВОЗВАХ, ГЛАС 2-й.

Господи, возвах к Тебе, услыши мя. Услыши мя, Господи.

Господи, возвах к Тебе, услыши мя: вонми гласу моления моего, внегда возвати ми к Тебе. Услыши мя, Господи.

Да исправится молитва моя, яко кадило пред Тобою, воздеяние руку мою — жертва вечерняя. Услыши мя, Господи.

(в приходской практике пропускается до стихир) : Положи, Господи, хранение устом моим, и дверь ограждения о устнах моих. Не уклони сердце мое в словеса лукавствия, нещевати вины о гресех, с человеки делающими беззаконие, и не сочтуса со избранными их. Накажет мя праведник

мѣлостію и обличѣтъ мя, елѣй же грѣшнаго да не намастит главѣ моея, яко еще и молитва моя во благоволеніих их. Пожертвы бѣша при камени судій их: услышатся глаголи мой, яко возмогѡша. Яко толща земли просѣдѣся на земли, расточѣшася кости их при аде. Яко к Тебѣ, Господи, Господи, очи мой: на Тя уповах, не отымѣ дѡшу мою. Сохрани мя от сѣти, юже составиша ми, и от соблазн дѣлающих беззаконіе. Падут во мрежу свою грѣшницы: един есмь аз, дѡндеже прейдѡ.

Гласом моим ко Господу возвах, гласом моим ко Господу помолѣхся. Пролию пред Ним молѣние моѣ, печаль мою пред Ним возвещѡ. Внегда исчезати от менѣ дѡху моему: и Ты познал еси стезѣ моя: на путѣ сем, по немѡже хождѡх, скрѣпша сеть мне. Смотрѡх одесную и взглядах, и не бе зная менѣ: погѣбе бѣгство от менѣ, и несть взыскаѣя дѡшу мою. Возвах к Тебѣ, Господи, рех: Ты еси упованіе моѣ, часть моя еси на земли живѣих. Вонми молѣнію моему, яко смирихся зело, избави мя от гонящих мя, яко укрепѣшася паче менѣ.

Стихѣры воскресные, глас 2

На 10: Изведѣи из темницы дѡшу мою, // исповѣдатися имени Твоему.

Прежде век от Отца Рѡждшемуса Бѡжию Слову, / Воплѡщшемуса от Дѣвы Марѣи, / приидѣте, поклонѣмся: / крест бо претерпѣв, / погребѣнію предадѣся, яко Сам восхотѣ: / и воскресѣ из мѣртвых, // спасѣ мя заблуждающаго человека.

Менѣ ждѡт праведницы, // дѡндеже воздѣси мне.

Христѡс Спас наш, / еже на ны рукописаніе пригвоздѣв на Крестѣ заглѣди, / и смѣрную державу упраздни: // поклонѣмся Его Триднѣвному Воскресѣнію.

На 8: Из глубины возвах к Тебѣ, Господи, // Господи, услыши глас мой.

Со Архангелы воспѡим Христѡво Воскресѣние: / Той бо есть Избавитель и Спас душ наших, / и в славе страшней и крѣпцей силе, // паки грядѣтъ судѣти миру, егѡже создѣ.

Да бѡдут ѡши Твоѣ // внѣмлюще гласу молѣния моего.

Тебѣ распѣншагося и погребѣннаго, / Ангел проповѣда Владѣку, и глаголаше женѣм: / приидѣте видѣте, идѣже лежѣше Господь: / воскресѣ бо, якоже речѣ, яко всесѣлен. / Тѣмже Тебѣ поклонѣмся единому безсмѣртному, // Жизнодавче Христѣ, помѣлуй нас.

На 6: Аще беззаконія назириши, Господи, Господи, кто постоит? Яко у Тебѣ очищѣние есть.

Крестом Твоим упразднил еси, юже от древа клятву,/ погребением Твоим умертвил еси смерти державу:/ востанием же Твоим просветил еси род человеческий./ Сего ради вопием Ти:// благодетелю Христе Боже наш, слава Тебе.

Имене ради Твоего потерпех Тя, Господи, потерпé душá моя в слово Твое, уповá душá моя на Господа.

Отверзóшася Тебé Господи, страхом вратá смёртная,/ вратницы же áдовы вíдевшие Тя, убояшася:/ вратá бо мéдная сокрушил еси,/ и вереи железныя стерл еси,/ и извёл еси нас от тьмы и сени смёртныя,// и úзы нáша растерзál еси.

На 4: От стражи úтренния до нóщи, от стражи úтренния да уповаёт Израиль на Господа.

Спасительную песнь поюще, от уст возслém:/ приидите вси, в дому Господнем припадём, глаголюще:/ на Древе распныйся, и из мёртвых воскресый,/ и сый в недрах Отчих,// очисти грехи нáша.

Стихиры праздника Триоди (Недели Мироносиц), глас 2:

Яко у Господа мýлость, и многое у Него избавлèние, и Той избáвит Израиля от всех беззакóний его.

Миронóсицы жены, úтру глубокý,/ аромáты взёмша, Господня грóба достигóша,/ яже не надéяхуся обрётша/ помышляху благоговéюще кáменному отвалéнию,/ и другá ко друзéй глаголаху:/ где суть печáти грóба;/ где есть Пилáтова кустодíа, и опáсное утвержéние?/ Бысть же возвеститель не разумева́ющим женам,/ блиста́йся А́нгел, и глаголяй к ним:/ что с рыдáнием и́щите живáго и оживотворíвшаго род человеческий?/ Востá Христós Бог наш из мёртвых я́ко всесíлен,/ подай всем нам нетлèние и жизнь,// просвещèние и вéлию мýлость.

На 2: Хвалíte Господа вси язýцы, похвалíte Его вси лю́дие.

Почтó мíра со слезáми, о ученицы растворяете,/ кáмень отвали́ся, гроб истощíся:/ вíдите тлю животом попра́нную,/ печáти свидетельствующя я́вственно,/ спя́щия лю́те стражники непокорíвых,/ смёртное спасéся плóтию Бóжиею, ад рыдáет./ Тékша рáдостью рцýте апóстолом:/ умертвívый смерть Христós, перворождён из мёртвых,// вас предваряет в Галилèи.

Яко утверд́ся мýлость Его на нас, и и́стина Господня пребывáет во век.

Миронóсицы рáно б́вша,/ и гроб Твой со тцáнием достíгша,/ и

иска́ху Тебе́ Христе́, во́ еже пома́зати пречи́стое те́ло Твое́./ И а́нгеловыми глаго́лы огласи́вшеся,/ радостотво́рныя о́бразы апо́столом пропове́даху,/ я́ко воскресе́ Нача́льник спасе́ния на́шего, плени́вый смерть,/ ми́рови же да́руяй живо́т ве́чный// и ве́лию ми́лость.

Сла́ва, глас 6:

Миронóсицы жены́, грóба Твоегó дости́гша,/ и печа́ти грóбныя ви́девша,/ не обрéтша же пречи́стаго те́ла Твоегó,/ рыда́юща со тща́нием приидóша, глаго́люща:/ кто укра́де на́ше упова́ние;/ кто взят ме́ртва на́га сми́рною пома́зана,/ Ма́тери еди́но утеше́ние?/ О ка́ко ме́ртва оживи́вый умертви́ся;/ ад плени́вый, ка́ко погребéся?/ Но воскресни́ Спа́се самовла́стно,/ я́коже рекл еси́,// тридне́вен, спаса́яй ду́ши на́ша.

И ны́не, Богородичен догматик, глас 2:

Пре́йде сень зако́нная,/ благода́ти пришéдши:/ я́коже бо купина́ не старáше опаля́ема,/ та́ко Де́во родила́ еси́,/ и Де́ва пребыла́ еси́./ Вме́сто столпа́ о́гненнаго, пра́ведное возсия́ Со́лнце:/ вме́сто Моисе́я, Христóс,// спасе́ние душ на́ших.

СВЕТЕ ТИХИЙ

Свете́ тихий святы́я сла́вы, Безсме́ртнаго, Отца́ Небе́снаго, Свята́го Блаже́ннаго, Иису́се Христе́. Прише́дше на запа́д со́лнца, ви́девше свет вече́рний, поéм Отца́, Сы́на и Свята́го Ду́ха, Бо́га. Досто́ин еси́ во вся временá пeт бы́ти гла́сы преподо́бными, Сы́не Бо́жий, живо́т да́й, те́мже ми́р Тя сла́вит.

ПРОКЇМЕН, ГЛАС 6:

Госпо́дь воцари́ся, в ле́поту облече́ся.

Стих: Облече́ся Госпо́дь в си́лу и препоя́сая.

Госпо́дь воцари́ся, в ле́поту облече́ся.

Стих: Ё́бо утверди́ вселе́нную, я́же не подви́жится.

Госпо́дь воцари́ся, в ле́поту облече́ся.

Стих: До́му Твоему́ подобáет святы́ня, Го́споди, в долготу́ дней.

Госпо́дь воцари́ся, в ле́поту облече́ся.

Гóсподи, помíлуй. 40.

Слáва, и нýне:

СПОДОБИ, ГОСПОДИ

Сподóби, Гóсподи, в вéчер сей без грехá сохранíтися нам. Благословéн есí, Гóсподи Бóже отéц нáших, и хвáльно и прослáвлено íмя Твоеó во вéки, амíнь.

Бúди, Гóсподи, мíлость Твоя́ на нас, я́коже упováхом на Тя. Благословéн есí, Гóсподи, научí мя оправдáнием Твоím. Благословéн есí, Влады́ко, вразумí мя оправдáнием Твоím. Благословéн есí, Святы́й, просветí мя оправдáнии Твоими́.

Гóсподи, мíлость Твоя́ во век, дел рукú Твоею́ не прéзри. Тебé подобáет хвалá. Тебé подобáет пéние, Тебé слáва подобáет, Отцú и Сы́ну и Свято́му Дúху, нýне и прíсно и во вéки векóв. Амíнь.

Гóсподи, помíлуй. 12.

Слáва, и нýне:

СТИХИРЫ НА ЛИТИИ, ГЛАС 1

Миронóсицы жены́, ко грóбу что приидóсте;/ что íщете живáго в мёртвых?// Воскрéсе Госпóдь, дерзáйте, вопиéт А́нгел.

Со стра́хом приидóша жены́ на гроб,/ аромáты тéло Твоеó помáзати тщáщияся;/ и сиé не обрётше,/ недоумевáхуся другá ко друзéй, не вéдуще Воскресéния./ Но предстá им А́нгел, и речé:/ воскрéсе Христóс,// дáруй нам вéлию мíлость.

Приидóша на гроб Магдали́на,/ и другáя Марíя íщуще Гóспода,/ и А́нгела вíдеша я́ко мóлнию/ седя́ща на кáмени, и глагóлюща им:/ что íщете живáго с мёртвыми;/ воскрéсе, я́коже речé:/ в Галилéи Егó обря́щете./ К Немú же возопи́м:// воскресы́й из мёртвых, Гóсподи слáва Тебé.

Слáва, глас 6:

Просí Ио́сиф тéло Иисúсово,/ и положи́ é в нóвом своéм грóбе:/ подобáше бо Емú из грóба,/ я́ко от черто́га проитí./ Сокрушívый держáву смёрти,/ и отвёрзый вратá райская́ челове́ком,// Гóсподи слáва Тебé.

И нýне, Богородичен воскресный, глас 6:

Творéц и Избáвитель мой, Пречы́стая,/ Христóс Госпóдь из Твои́х

ложесн прошэд,/ в мя оболкййся,/ пёрвыя клятвы Адама свободй./
Тэмже Ти, Всечыстая,/ яко Божии Матери же и Деве,/ воистинну
вопиём немолчно:/ радуйся ангельски, радуйся, Владычице,
предстательство и покрове, // и спасение душ наших.

Господи, помилуй. 40.

Слава, и ныне:

СТИХИРЫ НА СТИХОВНЕ:

Стихира воскресная, глас 2:

**Воскресение Твое, Христэ Спасе,/ всю просвети вселенную,/ и
призвал еси Твое создание, // Всесильне Господи, слава Тебэ.**

Стихиры Пасхи, глас 5.

Стих: Да воскреснет Бог,/ и расточатся врази Его.

**Пасха/ священная нам днесь показася;/ Пасха нова святая;/ Пасха
таинственная;/ Пасха всечестная./ Пасха Христос Избавитель;/ Пасха
непорочная;/ Пасха великая;/ Пасха верных./ Пасха двери райския
нам отверзающая. // Пасха всех освящающая верных.**

Стих: Яко исчезает дым,/ да исчезнут.

**Приидите/ от видения жены благовестницы,/ и Сиону рците:/
примите/ от нас радости благовещения, Воскресения Христова:/
красуйся, ликуй/ и радуйся, Иерусалиме,/ Царя Христа узрев из гроба, //
яко жениха происходяща.**

Стих: Тако да погибнут грешницы от Лица Божия,/ а праведницы да
возвеселятся.

**Мирносицы жены,/ утру глубокую,/ представша гробу Живодавца,
обретоша Ангела/ на камени сидяща,/ и той провещав им,/ сиче
глаголаше:/ что ищите Живаго с мертвыми;/ что плачете Нетленного
во тли? // Шедше, проповедите учеником Его.**

Стих: Сей день, егже сотвори Господь,/ возрадуемся и возвеселимся в оны.

**Пасха красная,/ Пасха, Господня Пасха!/ Пасха всечестная/ нам
возсия. Пасха,/ радостью друг друга обьемем./ О Пасха!/ Избавление
скроби,/ ибо из гроба днесь,/ яко от чертога/ возсияв Христос,/ жены
радости исполни, глаголя:/ проповедите апостолом.**

Сла́ва, стихира праздника, глас 5:

**Тебе́, оде́ющагося све́том я́ко ризо́ю,/ снем Ио́сиф с Дре́ва с
Никоди́мом,/ и ви́дев ме́ртва на́га непогребённа,/ благосе́рдный плач
воспри́йм,/ рыда́я глаго́лаше:/ увы мне, сладча́йший Иису́се!/ Егóже
вма́ле со́лнце на Кресте́ ви́сима узр́евше,/ мра́ком облага́шеся,/ и
земля́ стра́хом колеба́шеся,/ и раздира́шеся церкóвная завеса:/ но се
ны́не ви́жду Тя,/ мене́ ра́ди волею подъя́мша смерть./ Ка́ко погребу́ Тя
Бо́же мой;/ или́ ка́ко плащани́цею обвию́;/ ко́има ли рука́ма
прикосну́ся нетле́нному Твоему́ те́лу;/ или́ кия́ пе́сни воспою́ Твоему́
исхо́ду, Ще́дре;/ велича́ю стра́сти Тво́я,/ песносло́влю и погребéние
Твоё, со Воскресе́нием, зовы́й:// Го́споди, сла́ва Тебе́.**

И ны́не, стихира Пасхи, глас 5.

**Воскресе́ния день,/ и просвети́мся торже́ством,/ и друг дру́га
обы́мем./ Рцем бра́тие,/ и ненави́дящим нас,/ прости́м вся
Воскресе́нием,/ и та́ко возопи́м:/ Христóс воскресе́ из ме́ртвых,/
сме́ртию смерть попра́в,// и су́щим во гробéх живóт дарова́в.**

Молитва святого Симеона Богоприимца

**Ны́не отпу́щаеши раба́ Твоего́, Влады́ко, по глаго́лу Твоему́ с ми́ром: я́ко
ви́деста о́чи мой спасéние Твоё, е́же еси́ угото́вал пред лицéм всех люде́й,
свет во откровéние язы́ков, и сла́ву люде́й Твои́х Изра́иля.**

Та́же:

**Святы́й Бо́же, Святы́й Кре́пкий, Святы́й Безсме́ртный, поми́луй нас.
Трижды, и три поклона.**

**Сла́ва Отцу́, и Сы́ну, и Свято́му Ду́ху, и ны́не и прísно, и во ве́ки веко́в.
Ами́нь.**

**Пресвята́я Трóице, поми́луй нас: Го́споди, очисти́ грехи́ на́ша; Влады́ко,
прости́ беззакóния на́ша; Святы́й, посети́ и исцели́ немо́щи на́ша, имене́
Твоего́ ра́ди.**

Го́споди, поми́луй. Трижды.

Сла́ва, и ны́не:

**О́тче наш, И́же еси́ на Небесе́х, да святи́тся и́мя Твоё, да при́дет
Ца́рствие Твоё, да бу́дет во́ля Тво́я, я́ко на Небеси́, и на земли́. Хлеб наш
насущный даждь нам днесь; и оста́ви нам до́лги на́ша, я́коже и мы**

оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Богородице Дево, радуйся, Благодатная Марие, Господь с Тобю; благословенна Ты в женах, и благословен Плод чрева Твоего, яко Спаса родила еси душ наших. Трижды

Буди Имя Господне благословено от ныне и до века. Трижды.

Таже псалом 33:

Благословлю Господа на всякое время, вину хвалу Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною и вознесем имя Его вкупе. Взысках Господа и услыша мя, и от всех скорбей моих избави мя. Приступите к Немю и просветитесь, и лица ваша не постыдятся. Сей нищий воззва, и Господь услыша ю, и от всех скорбей его спасе ю. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповает на Него. Бойтесь Господа, вси святии Его, яко несть лишения боящимся Его. Богатии обнищаша и взалкаша, зыскающие же Господа не лишатся всякаго блага.

УТРЕНЯ

Христос воскрес из мертвых, смертию смерть поправ и сущим во гробех живот даровав. Трижды.

ШЕСТОПСАЛМИЕ

Слава в вышних Богу, и на земли мир, в человецех благоволение.
Трижды.

Господи, устне мои отверзешу, и уста моя возвестят хвалу Твою.
Дважды.

Псалом 3

Господи, что ся умножиша стужающие ми? Мнози востают на мя, мнози глаголют души моей: несть спасения ему в Боже его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующыя ми все: зубы грешников сокрушил еси. Господне есть спасение, и на людех Твоих благословение Твое.

Аз уснух, и спях, востах, яко Господь заступит мя.

Псалом 37

Господи, да не яростию Твоею обличиши мене, ниже гневом Твоим накажешо мене. Яко стрелы Твоя унзюша во мне, и утвердил еси на мене руку Твою. Нестъ исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мене. Возсмердеша и согниша раны моя от лица безумия моего. Пострадах и слякохся до конца, весь день сетуя хождах. Яко лядвия моя наполнишася поруганий, и несть исцеления в плоти моей. Озлоблен бых и смирихся до зела, рыках от воздыхания сердца моего. Господи, пред Тобю все желание мое и воздыхание мое от Тебе не утайся. Сердце мое смятеса, остави мя сила моя, и свет очию моею, и той несть со мною. Друзи мой и искреннии мой прямо мне приближишася и сташа, и ближнии мой отдалече мене сташа и нуждахуся ищущи души мою, и ищущи злая мне глаголаху суетная и лстивным весь день поучахуся. Аз же яко глух не слышах и яко нем не отверзая уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мой: и внегда подвижатися ногам моим, на мя велеречеваша. Яко аз на раны готов, и болезнь моя предо мною есть вина. Яко беззаконие мое аз возвещу и попекуся о гресе моем. Врази же мой живут и укрепятся паче мене, и умножишася ненавидящи мя без правды. Воздающи ми злая возлагая оболгаху мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

Псалом 62

Боже, Боже мой, к Тебе утренюю, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явяхся Тебе, видети силу Твою и славу Твою. Яко лучши милость Твоя паче живот, устне мои похвалят Тя. Тако благословлю Тя в животе моем, о имени Твоем воздежу рuce мои. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадоуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части лисовом будут. Царь же возвеселится о

Бóже, похва́лится всяк кленѣйся Им, ꙗко заградѣшася уста глаголющих неправедная.

На ўтренних поуча́хся в Тя. ꙗко был еси Помощник мой, и в крѣве крилу́ Твоею возра́дуюся. Прильпе́ душа́ моя́ по Тебе́, мене́ же прият десница́ Твоя́.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́ Бо́же. Трижды, без поклонов.

Го́споди поми́луй. Трижды.

Сла́ва, и ны́не:

Псалом 87

Го́споди Бо́же спасе́ния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к молению́ моему́, ꙗко испо́лнися зол душа́ моя́, и живо́т мой аду прибли́жися. Привмене́н бых с низходя́щими в ров, бых ꙗко человек без по́мощи, в ме́ртвых свобѣдь, ꙗко ꙗзвеннии спя́щии во грѣбе, ихже не помяну́л еси́ ктому́, и ти́и от руки́ Твоея́ отринове́ни бы́ша. Положи́ша мя в ро́ве преиспо́днем, в те́мных и се́ни сме́ртней. На мне утверди́ся ꙗрость Твоя́, и вся во́лны Твоя́ навел еси́ на мя. Уда́лил еси́ зна́емых мои́х от мене́, положи́ша мя ме́рзость себе́: пре́дан бых и не исхожда́х. Очи мои́ изнемогѣте от нищеты́, воззва́х к Тебе́, Го́споди, весь день, возде́х к Тебе́ ру́це мои́. Еда́ ме́ртвыми твори́ши чудеса́? Или́ вра́чеве воскреся́т, и испове́дятся Тебе́? Еда́ пове́сть кто во грѣбе ми́лость Твою́, и и́стину Твою́ в поги́бели? Еда́ познана́ бу́дут во тьме чудеса́ Твоя́, и пра́вда Твоя́ в земли́ забвѣнной? И аз к Тебе́, Го́споди, воззва́х и ўтро моли́тва моя́ предвари́т Тя. Вску́ю, Го́споди, отрѣеши ду́шу мою́, отвраща́еши лице́ Твое́ от мене́? Нищ есмь аз, и в труде́х от ю́ности моея́; возне́с же ся, смири́хся, и изнемого́х. На мне преидѣша гне́ви Твои́, устраше́ния Твоя́ возмутѣша мя, обыдо́ша мя ꙗко вода́, весь день одержа́ша мя вку́пе. Уда́лил еси́ от мене́ дру́га и и́скренняго, и зна́емых мои́х от страсте́й.

Го́споди Бо́же спасе́ния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к молению́ моему́.

Псалом 102

Благослови́, душе́ моя́, Го́спода, и вся вну́тренняя моя́ и́мя свя́тое Его́. Благослови́, душе́ моя́, Го́спода, и не забыва́й всех воздая́ний Его́, очища́ющаго вся беззако́нныя твоя́, исцеля́ющаго вся неду́ги твоя́, избавля́ющаго от ислѣ́ния живо́т твой, венча́ющаго тя ми́лостью и щедро́тами, исполня́ющаго во благо́х желаніе твое́: обновѣ́тся ꙗко о́рля

юность твою. Твори́й мило́стыни Госпо́дь, и судьбу́ всем оби́димым. Сказа́ пути́ Своя́ Моисе́ови, сыновомъ Изра́иелевымъ хотения́ Своя́: Щедр и Мило́стив Госпо́дь, Долготерпели́в и Многоми́лостив. Не до конца́ прогне́вается, ниже́ во век вражду́ет, не по беззако́ниемъ на́шим сотвори́л есть намъ, ниже́ по грехомъ на́шим возда́л есть намъ. Яко́ по высотé небéсней от земли́, утверди́л есть Госпо́дь мило́сть Свою́ на бо́ящихся Его́. Ели́ко отстоя́т восто́цы от запа́д, уда́лил есть от нас беззако́ния на́ша. Яко́же ще́дрит отéц сыны, ущéдри Госпо́дь бо́ящихся Его́. Яко́ Той позна́ создание́ на́ше, помяну́, яко́ персть есмь. Человéк, яко́ трава́ дние́ его́, яко́ цвет сéльный, тако́ оцветéт, яко́ дух прóйде в немъ, и не бóдет, и не позна́ет ктому́ мéста своего́. Мило́сть же Госпо́дня от вéка и до вéка на бо́ящихся Его́, и пра́вда Его́ на сынéх сыно́в, храня́щих заветъ́ Его́, и по́мнящих за́поведи́ Его́ твори́ти я́. Госпо́дь на Небеси́ угото́ва Престо́л Свой, и Ца́рство́ Его́ все́ми облада́ет. Благо́словите́ Го́спода вси́ А́нгели́ Его́, си́льнии крéпостию, твори́щи сло́во́ Его́, услы́шати гласъ́ словéс Его́. Благо́словите́ Го́спода вся́ Си́лы́ Его́, слуги́́ Его́, твори́щи во́лю́ Его́. Благо́словите́ Го́спода вся́ дела́́ Его́, на вся́ком мéсте влады́чества́ Его́, благо́словй, душé́ моя́, Го́спода.

На вся́ком мéсте влады́чества́ Его́, благо́словй, душé́ моя́, Го́спода.

Псалом 142

Го́споди, услы́ши моли́тву мою́, внуши́ моле́ние моé во и́стине Твое́й, услы́ши мя в пра́вде Твое́й и не вни́ди в суд с рабо́м Твои́м, яко́ не оправди́тся предъ́ Тобо́ю всяк живы́й. Яко́ погна́ враг ду́шу мою́, смири́л есть в зéмлю живóт мой, посади́л мя есть в тёмных, яко́ мёртвыя́ вéка. И уны́ во мне дух мой, во мне смятéся сéрдце моé. Помяну́х дни дрéвния, поучи́хся во всехъ́ дéлех Твои́х, в твори́ниях руку́́ Твое́ю поуча́хся. Воздéх к Тебé́ рúце́ мой, душá́ моя́, яко́ земля́ безводная́ Тебé́. Ско́ро услы́ши мя, Го́споди, исчезé́ дух мой, не отврати́́ лица́ Твоего́́ от мене́, и уподо́блюся низходя́щим в ровъ. Слы́шану сотвори́́ мне за́втра мило́сть Твою́, яко́ на Тя упова́х. Скажи́́ мне, Го́споди, путь вóньже пойдú, яко́ к Тебé́ взях ду́шу мою́. Изми́́ мя от враг мои́х, Го́споди, к Тебé́ прибего́х. Научи́́ мя твори́ти во́лю́ Твою́, яко́ Ты еси́́ Бог мой. Дух Твой́́ Благо́й наста́вит мя на зéмлю пра́ву. Имене́́ Твоего́́ ра́ди, Го́споди, живи́ши мя, пра́вдою Твое́ю изведéши от печáли ду́шу мою́. И мило́стию Твое́ю потреби́ши враги́́ моя́ и погуби́ши вся́ стужáющыя души́́ моéй, яко́ аз раб Твой́́ есмь.

Услы́ши мя, Го́споди, в пра́вде Твое́й и не вни́ди в суд с рабо́м Твои́м.

Услы́ши мя, Го́споди, в пра́вде Твое́й и не вни́ди в суд с рабо́м Твои́м.

Дух Твой́́ Благо́й наста́вит мя на зéмлю пра́ву.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бо́же. **Трижды.**

Го́споди, помилуй. **12.**

Сла́ва, и ны́не:

БОГ ГОСПО́ДЬ И ТРОПА́РЬ

Глас 7:

Бог Госпо́дь и яви́ся нам, благослове́н Гряды́й во и́мя Госпо́дне.

Стих: Испове́дайтесь Го́сподеви, я́ко благ, я́ко в век ми́лость Его́.

Бог Госпо́дь и яви́ся нам, благослове́н Гряды́й во и́мя Госпо́дне.

Стих: Обыше́дше обыдо́ша мя и и́менем Госпо́дним противля́хся им.

Бог Госпо́дь и яви́ся нам, благослове́н Гряды́й во и́мя Госпо́дне.

Стих: Не умру́, но жив бу́ду и пове́м дела́ Госпо́дня.

Бог Госпо́дь и яви́ся нам, благослове́н Гряды́й во и́мя Госпо́дне.

Стих: Ка́мень, Его́же небрего́ша зи́ждущии, Сей бысть во главу́ у́гла, от Го́спода бысть Сей и есть дивен во очесе́х на́ших.

Бог Госпо́дь и яви́ся нам, благослове́н Гряды́й во и́мя Госпо́дне.

ТРОПА́РЬ ВОСКРЕ́СНЫЙ, ГЛАС 2:

Егда́ снизше́л еси́ к сме́рти, Животе́ Безсме́ртный,/ тогда́ ад умертви́л еси́ блиста́нием Божества́;/ егда́ же и умерши́я от преиспо́дних воскреси́л еси́,/ вся Си́лы Небе́сныя взыва́ху:// Жизнода́вче, Христэ́ Бо́же наш, сла́ва Тебе́. *(Дважды)*

Сла́ва Отцу́ и Сы́ну и Свято́му Ду́ху.

ТРОПА́РЬ ПРА́ЗДНИКА ТРИО́ДИ (НЕДЕ́ЛИ МИРОНО́СИЦ), ГЛАС 2:

Благообра́зный Ио́сиф,/ с Дре́ва снем Пречи́стое Те́ло Твое́,/ плащани́цею чи́стою обви́в, и благоуха́ньми,/ во гробе́ но́ве, закрыв, положи́,/ но тридне́вен воскресл еси́, Го́споди,// пода́й ми́рови ве́лию ми́лость.

И ны́не и прісно и во ве́ки веко́в. Ами́нь.

ВТОРО́Й ТРОПА́РЬ ПРА́ЗДНИКА ТРИО́ДИ (НЕДЕ́ЛИ МИРОНО́СИЦ), ГЛАС 2:

Миронóсицам жена́м, при гробе́ предста́в А́нгел, вопия́ше:/ ми́ра ме́ртвым суть прилічна,/ Христос́ же ислéния яви́ся чуждь./ Но возопи́йте: воскресе́ Госпо́дь,// пода́й ми́рови ве́лию ми́лость.

КАФЫЗМЫ И СЕДАЛЬНЫ

Господи, помилуй. Трижды

Слава, и ныне:

И чтем кафисму 2-ю (или 1 псалом, или до 1-й Славы)

Псалом 9

Исповемся Тебе, Господи, всем сердцем моим, повем вся чудеса Твоя. Возвеселюсь и возрадуюся о Тебе, пою имени Твоему, Вышний. Внегда возвратится врагу моему вспять, изнемогут и погибнут от лица Твоего. Яко сотворил еси суд мой и прю мою, сел еси на Престоле, судяй правду. Запретил еси языком, и погйбе нечестивый, имя его потребил еси в век и в век века. Врагу оскудеша оружия в конец, и грады разрушил еси, погйбе память его с шумом. И Господь во век пребывает, уготова на суд престол Свой, и Той судити иматъ вселенней в правду, судити иматъ людем в правоте. И бысть Господь прибежище убогому, помощник во благовременних, в скорбех. И да уповают на Тя знающии имя Твое, яко не оставил еси взыскающих Тя, Господи. Пойте Господеви, живущему в Сионе, возвестите во языцех начинания Его, яко взыскаая крови их помяну, не забы звания убогих. Помилуй мя, Господи, виждь смирение мое от враг моих, вознося мя от врат смертных, Яко да возвещу вся хвалы Твоя во вратех дщере Сиони, возрадуемся о спасении Твоем. Углебша языцы в пагубе, юже сотвориша, в сети сей, юже скрыша, увязе нога их. Знаемъ есть Господь судьбы творяй, в делех руку своею увязе грешник. Да возвратятся грешницы во ад, вси языцы забывающии Бога. Яко не до конца забвен будет нищий, терпение убогих не погибнет до конца. Воскресни, Господи, да не крепится человек, да судятся языцы пред Тобю. Постави, Господи, законоположителя над ними, да разумют языцы, яко человецы суть. Вскую, Господи, отстоя далече, презираеши во благовременних, в скорбех? Внегда гордиться нечестивому, возгарается нищий, увязают в советех, яже помышляют. Яко хвалимъ есть грешный в похотех души своея, и обидяй благословимъ есть. Раздражи Господа грешный, по множеству гнева своего не взыщет, несть Бога пред ним. Оскверняются пути его на всяко время, отъемлются судьбы Твоя от лица его, всеми враги своими обладает. Рече бо в сердце своем, не подвижуся от рода в род без зла, егоже клятвы уста его полна суть, и горести и лести, под языком его труд и болезнь. Приседит в ловительстве с богатыми в тайных, еже убити повиннаго, очи его на нищаго призираете. Ловит в тайне яко лев во ограде своей, ловит еже восхитити нищаго, восхитити нищаго, внегда привлещи и. В сети своей смирит его, преклонится и падет, внегда ему обладати убогими.

Рече бо в сердце своём: забы Бог, отврати лице Своё, да не видит до конца. Воскресни, Господи Боже мой, да вознесётся рука Твоя, не забуди убогих Твоих до конца. Чесо ради прогнева нечестивый Бóга? Рече бо в сердце своём: не взыщет. Видиши, яко Ты болезнь и ярость смотриаши, да предан будет в руке Твои, Тебе оставлен есть нищий, сиру Ты буди помощник. Сокруши мышцу грешному и лукавому, взыщется грех его и не обрящется. Господь Царь во век и в век века, погибнете, языцы, от земли Его. Желание убогих услышал еси, Господи, уготованию сердца их внят ухо Твоё. Суди сиру и смирену, да не приложит ктому величаться человек на земли.

Псалом 10

На Господа уповах, како речете души моей: превитай по горам, яко птица? Яко се, грешницы налякóша лук, уготоваша стрелы в туле, состреляти во мrance правыя сердцем. Зане яже Ты совершил еси, они разрушиша, праведник же что сотвори? Господь во храме святем Своём. Господь, на небеси престол Его, очи Его на нищаго призираете, вежди Его испытаете сыны человеческия. Господь испытает праведнаго и нечестиваго, любяй же неправду ненавидит свою душу. Ождит на грешники сети, огонь и жупел, и дух бурен часть чаши их. Яко праведен Господь, и правды возлюбил, правоты виде лице Его.

Слава, и ныне:

Аллилуиа, аллилуиа, аллилуиа, слава Тебе, Бóже. Трижды.

Господи, помилуй. 3.

Слава, и ныне:

Псалом 11

Спаси мя, Господи, яко оскуде преподобный, яко умалишася истины от сынов человеческих. Суетная глагола кийждо ко искреннему своему, устне льстивыя в сердце, и в сердце глаголаша злая. Потребит Господь вся устны льстивыя, язык велеречивый, рекшыя: язык наш возвеличим, устны наша при нас суть, кто нам Господь есть? Страсти ради нищих и воздыхания убогих ныне воскресну, глаголет Господь, положуся во спасение, не обвинюся о нем. Слова Господня слова чиста, серебро разжжено, искушено земли, очищено седмерицею. Ты, Господи, сохраниши ны и соблюдеши ны от рода сего и во век. Окрест нечестивии ходят, по высоте Твоей умножил еси сыны человеческия.

Псалом 12

Докóле, Гóсподи, забúдеши мя до концá? Докóле отвращáеши лицé Твоё от менé? Докóле положú советы в души моéй, болéзни в сёрдце моём день и ночь? Докóле вознесётся враг мой на мя? Призри, услыши мя, Гóсподи Бóже мой, просвети́ óчи мой, да не когда́ усну́ в смерть, да не когда́ речёт враг мой, укрепíхся на него́. Стужáющие ми возра́дуются, áще подви́жуся. Аз же на мýлость Твою́ упováх, возра́дуется сёрдце моё о спасéнии Твоём, воспóю Гóсподеви благоде́явшему мне и пою́ ймени Гóспода Вы́шняго.

Псалом 13

Речé безúмен в сёрдце своём: несть Бог. Раствéша и омерзíшася в начинáнииих, несть творя́й благостýню. Госпóдь с небесé приниче на сыны человекéския, видети, áще есть разумева́й или́ взыска́й Бóга. Всеи уклонíшася, вку́пе неключíми бýша: несть творя́й благостýню, несть до едýнаго. Ни ли́ уразуме́ют всеи дéлающие беззакóние, снеда́ющие лю́ди моя́ в снeдь хлéба? Гóспода не призвáша. Тáмо убо́яшася стрáха, идéже не бе страх, я́ко Госпóдь в рóде прáведных. Совет нýщаго посрамíсте, Госпóдь же упováние его́ есть. Кто даст от Си́она спасéние Изрáилево? 8 Внегда́ возвратит Госпóдь пленéние люде́й Сво́их, возра́дуется Иáков, и возвеселíтся Изрáиль.

Слáва, и ны́не:

Аллилу́иа, аллилу́иа, аллилу́иа, слáва Тебé, Бóже. **Трижды.**

Гóсподи, помíлуй. 3.

Слáва, и ны́не:

Псалом 14

Гóсподи, кто обитáет в жили́щи Твоём? Или́ кто вселíтся во святýю гóру Твою́? Ходя́й непорóчен и дéлаяй прáвду, глаго́ляй й́стину в сёрдце своём. Й́же не ульстí язы́ком своим и не сотвори́ й́скреннему своему́ зла, и поношéния не при́ят на блíжния своя́. Уничижён есть пред ним лука́внуяй, боя́щия же ся Гóспода слáвит, клeныйся й́скреннему своему́ и не отметáйся. Сребрá своего́ не даде́ в ли́хву и мзды на неповíнных не при́ят. Творя́й сия́ не подви́жится во век.

Псалом 15

Сохрани́ мя, Гóсподи, я́ко на Тя упováх. Рех Гóсподеви: Госпóдь мой еси́ Ты, я́ко благíх моих не трéбуеши. Святы́м, й́же суть на землí Егó, удивí Госпóдь всеи хотéния Сво́я в них. Умно́жишася нéмощи их, по сих ускори́ша: не соберу́ собóры их от кровéй, ни помяну́ же имён их устна́ма мо́йма. Госпóдь часть достоя́ния моего́ и чáши моея́, Ты еси́ устра́яяй достоя́ние

моё мне. Ужя нападóша ми в держáвных мо́их, йбо достоя́ние моё держáвно есть мне. Благословлю́ Го́спода, вразуми́вшего мя, ещё́ же и до но́щи нака́заша мя утробы́ моя́. Предзрѣх Го́спода предо мно́ю вѣну, яко одесну́ю менѣ́ есть, да не подви́жуся. Сего́ ра́ди возвесели́ся се́рдце моё, и возра́довася язы́к мой, ещё́ же и плоть моя́ вселит́ся на упова́нии. Яко не оста́виши ду́шу мою́ во а́де, ниже́ да́си преподо́бному Твоему́ ви́дети ислѣ́ния. Сказáл ми еси́ путѣ́ животá, испóлниши мя весѣ́лия с лицѣ́м Твои́м, красота́ в десни́це Твоёй в конѣ́ц.

Псалом 16

Услы́ши, Го́споди, пра́вду мою́, вонми́ молѣ́нию моему́, внуши́ моли́тву мою́ не во устна́х льсти́вых. От лица́ Твоего́ судьба́ моя́ изы́дет, о́чи мой да ви́дита правоты́. Искусил еси́ се́рдце моё, посетил еси́ но́щию, искусил мя еси́, и не обрѣ́теся во мне неправда. Яко да не возглаго́лют уста́ моя́ дел челове́ческих, за словеса́ устѣ́н Твои́х аз сохрани́х путѣ́ жесто́ки. Соверши́ стопы́ моя́ во стезя́х Твои́х, да не подви́жутся стопы́ моя́. Аз воззва́х, яко услы́шал мя еси́, Бо́же, приклони́ у́хо Твоё́ мне и услы́ши глаго́лы моя́. Удиви́ ми́лости Твоя́, спаса́яй упова́ющыя на Тя от проти́влящихся десни́це Твоёй. Сохрани́ мя, Го́споди, яко зе́ницу о́ка, в крóве крилу́ Твоёю покрýеши мя. От лица́ нечестивы́х остра́стших мя, врази́ мой ду́шу мою́ одержáша. Тук свой затвори́ша, уста́ их глаго́лаша горды́ню. Изгоня́щии мя ны́не обыдо́ша мя, о́чи свой возложи́ша уклони́ти на зѣ́млю. Объя́ша мя яко лев гото́в на лов и яко ски́мен обита́яй в та́йных. Воскресни́, Го́споди, предвари́ я́ и запни́ им, изба́ви ду́шу мою́ от нечестива́го, ору́жие Твоё́ от враг руки́ Твоея́, Го́споди, от ма́лых от земли́, раздели́ я́ в животѣ́ их, и сокровѣ́нных Твои́х испóлнися чре́во их, насы́тишася сынóв, и оста́виша оста́нки младѣ́нцем свои́м. Аз же пра́вдою явлю́ся лицу́ Твоему́, насы́щуся, внигда́ явити́ ми ся сла́ве Твоёй.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бо́же. **Трижды.**

Го́споди, поми́луй. **3.**

Сла́ва, и ны́не:

По ка́фисме седа́льны, глас 2:

Ка́мень грóбный запеча́тати не возбранѣв,/ ка́мень ве́ры воскресѣ́й подал еси́ всем:// Го́споди сла́ва Тебе́.

Стих: Воскресни́ Го́споди Бо́же мой, да вознесѣ́тся рука́ Твоя́,/ не забуди́ убо́гих Твои́х до конца́.

Не́дро пречи́стое в вѣ́шних не исто́щивый,/ погребѣ́ние и Воскресе́ние о всех при́ял еси:// Го́споди сла́ва Тебе́.

Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. **Ами́нь.**

Вся па́че смѣ́сла,/ вся пресла́вная Твоя́, Богоро́дице, та́инства,/ чистоте́ запеча́танней, и де́вству храни́му,/ Ма́ти позна́лася еси́ неложна,/ Бо́га ро́ждши и́стиннаго:// Того́ моли́, спасти́ся душам на́шим.

Го́споди, поми́луй. **Трижды**

Сла́ва, и ны́не:

И чем кафи́сму 3-ю (или 1 псалом, или до 1-й Славы)

Псалом 17:

Возлюблю́ Тя, Го́споди, крѣ́посте моя́. Госпо́дь утвержде́ние моё, и прибе́жище моё, и Изба́витель Мой, Бог мой, Помо́щник мой, и упова́ю на Него́, Защи́титель мой, и рог спасе́ния моего́, и Засту́пник мой. Хваля́ призову́ Го́спода и от враг мои́х спасу́ся. Одержаша мя болѣ́зни сме́ртныя, и пото́цы беззаконія́ смято́ша мя, болѣ́зни а́довы обыдо́ша мя, предвари́ша мя се́ти сме́ртныя. И внегда́ скорбе́ти ми, призва́х Го́спода, и к Бо́гу моему́ воззва́х, услы́ша от хра́ма Свята́го Своего́ глас мой, и вопль мой пред Ним вни́дет во у́ши Его́. И подви́жеся, и трѣ́петна бысть земля́, и основа́ния гор смято́шася и подвиго́шася, я́ко прогне́вася на ня Бог. Взы́де дым гне́вом Его́, и огонь от лица́ Его́ воспла́менится, у́глие возгоре́ся от Него́. И приклонí небеса́, и снѣде, и мрак под нога́ма Его́. И взы́де на Херувíмы, и летѣ́, летѣ́ на крилу́ ветреню́. И положи́ тму закро́в Свой, о́крест Его́ селѣ́ние Его́, темна́ вода́ во о́блацех возду́шных. От облистáния пред Ним о́блацы проидо́ша, град и у́глие о́гненное. И возгреме́ с Небесе́ Госпо́дь и Вѣ́шний даде́ глас Свой. Низпосла́ стрѣ́лы и разгна́ я́, и мо́лнии умно́жи и смяте́ я́. И яви́шася исто́чницы водни́и, и откры́шася основа́ния вселѣ́нныя, от запреще́ния Твоего́, Го́споди, от дохнове́ния ду́ха гнева́ Твоего́. Низпосла́ с высоты́, и при́ят мя, воспри́ят мя от вод мно́гих. Изба́вит мя от враго́в мои́х си́льных и от ненави́дящих мя, я́ко утверди́шася па́че мене́. Предвари́ша мя в день озлобле́ния моего́, и бысть Госпо́дь утвержде́ние моё. И изведе́ мя на широту́, изба́вит мя, я́ко восхоте́ мя. И возда́ст ми Госпо́дь по пра́вде мое́й и по чистоте́ руку́ моею́ возда́ст ми. Я́ко сохрани́х путí Господни́и и не нече́ствовах от Бо́га моего́. Я́ко вся судьбы́ Его́ предо мною́ и оправда́ния Его́ не отступи́ша от мене́. И буду́ непоро́чен с Ним, и сохраню́ся от беззаконія́ моего́. И возда́ст ми Госпо́дь по пра́вде мое́й и по чистоте́ руку́ моею́ пред очы́ма Его́. С преподо́бным преподо́бен будеши, и с

мужем неповинным неповинен будеши, и со избранным избран будеши, и со строптивым развратишия. Яко Ты люди смиренные спасеши и очи гордых смириши. Яко Ты просветиши светильник мой, Господи, Боже мой, просветиши тму мою. Яко Тобою избавлюся от искушения и Богом моим преиду стену. Бог мой, непорочен путь Его, словеса Господня разжжена, Защититель есть всех уповающих на Него. Яко кто бог, разве Господа? или кто бог, разве Бога нашего? Бог препоясуй мя силою, и положи непорочен путь мой. Совершаяй ноге мой, яко елени, и на высоких поставляяй мя. Научаяй руке мой на брань, и положи еси лук медян мшца моя. И дал ми еси защищение спасения, и десница Твоя восприят мя, и наказание Твое исправит мя в конец, и наказание Твое то мя научит. Уширил еси стопы моя подо мною, и не изнеможете плесне моя. Пожену враги моя, и постигну я, и не возвращуся, дондеже скончуются. Оскорблю их, и не возмогут стати, падут под ногами моими. И препоясал мя еси силою на брань, спял еси вся востающыя на мя под мя. И врагов моих дал ми еси хребет, и ненавидящыя мя потребил еси. Возваша, и не бе спасаая: ко Господу, и не услыша их. И истню я яко прах пред лицом ветра, яко брение путей поглажду я. Избавиши мя от пререkania людей, поставиши мя во главу языков. Людие, ихже не ведех, работаша ми. В слух уха послушаша мя. Сынове чуждии солгаша ми. Сынове чуждии обетшаша и охромаша от стезь своих. Жив Господь, и благословен Бог, и да вознесется Бог спасения моего. Бог дай отмщение мне и покоривый люди под мя. Избавитель мой от враг моих гневливых, от востающих на мя вознесеши мя, от мужа неправедна избавиши мя. Сего ради исповемся Тебе во языцех, Господи, и имени Твоему пою: величаяй спасения царева, и творяй милость христу Своему Давиду, и семени его до века.

Слава, и ныне:

Аллилуиа, аллилуиа, аллилуиа, слава Тебе, Боже. **Трижды.**

Господи, помилуй. **3.**

Слава, и ныне:

Псалом 18:

Небеса поведают славу Божию, творение же руку Его возвещает твердь. День дни отрыгает глагол, и ночь ночи возвещает разум. Не суть речи, ниже словеса, ихже не слышатся гласи их. Во всю землю изыде вещание их и в концы вселенныя глаголы их. В солнце положи селение Своё, и Той, яко Жених исходяй от чертога Своего, возрадуется, яко Исполин тещи путь. От края небес исход Его, и сретение Его до края небес, и несть иже укрывается теплоты Его. Закон Господень непорочен, обращаая души, свидетельство

Госпóдне вёрно, умудряющее младёнцы. Оправд́ания Госпóдня пр́ава, веселя́щая сёрдце, за́поведь Госпóдня светла́, просвеща́ющая óчи. Страх Госпóдень чист, пребыва́яй в век ве́ка: судьбы́ Госпóдни й́стинны, оправда́ны вку́пе, вожделённы па́че зл́ата и ка́мене че́стна мно́га, и сла́ждша па́че ме́да и со́та. Ё́бо раб Твой хранит я́, вневгда́ сохранити я́, воздая́ние мно́го. Грехопаде́ния кто разуме́ет? От та́йных мо́их очисти мя, и от чужди́х пощади́ раба́ Твоего́, а́ще не облада́ют мно́ю, тогда́ непоро́чен бу́ду и очи́щуся от греха́ вели́ка. И бу́дут во благоволе́ние словеса́ уст мо́их, и поуче́ние сёрдца моего́ пред Тобо́ю в́ыну, Го́споди, Помо́щниче мой и Изба́вителю мой.

Псалóм 19:

Услы́шит тя Госпóдь в день печáли, заш́тит тя й́мя Бо́га Иа́ковля. По́слет ти по́мощь от Свята́го и от Си́она заступит тя. Помяне́т вся́ку жёртву твою́, и всесо́жже́ние твоё ту́чно бу́ди. Даст ти Госпóдь по сёрдцу тво́ему и весь сове́т твой испо́лнит. Возра́дуемся о спасе́нии твоём и во й́мя Го́спода Бо́га на́шего возвели́чимся. Испо́лнит Госпóдь вся проше́ния тво́я. Ны́не позна́х, я́ко спасе́ Госпóдь христа́ Своего́, услы́шит его́ с Небесе́ Свята́го Своего́, в си́лах спасе́ние десни́цы Его́. Си́и на колесни́цах, и си́и на ко́нех, мы же во й́мя Го́спода Бо́га на́шего призове́м. Ти́и спя́ти бы́ша и падо́ша, мы же воста́хом и испра́вихомся. Го́споди, спаси́ царя́ и услы́ши ны, во́ньже а́ще день призове́м Тя.

Псалóм 20:

Го́споди, си́лою Твое́ю возвеселит́ся царь и о спасе́нии Твоём возра́дуется зело́. Желáние сёрдца его́ дал еси́ ему́, и хоте́ния устну́ его́ неси́ лишыл его́. Я́ко предвари́л еси́ его́ благослове́нием благосты́нным, положи́л еси́ на глав́е его́ венёц от ка́мене че́стна. Живота́ проси́л есть у Тебе́, и дал еси́ ему́ долготу́ дний во век ве́ка. Ве́лия сла́ва его́ спасе́нием Твоём, сла́ву и велеле́пие возложи́ши на него́. Я́ко да́си ему́ благослове́ние во век ве́ка, возвесели́ши его́ ра́достью с лице́м Твоём. Я́ко царь упова́ет на Го́спода, и ми́лостью В́ышняго не подви́жится. Да обря́щется рука́ Тво́я всем враго́м Твоём, десни́ца Тво́я да обря́щет вся ненави́дящия Тебе́. Я́ко положи́ши их я́ко пещь о́гненную во вре́мя лица́ Твоего́, Госпóдь гнёвом Своём смяте́т я́, и снёсть их огонь. Плод их от земли́ погуби́ши, и се́мя их от сыно́в челове́ческих. Я́ко уклони́ша на Тя зла́я, помы́слиша сове́ты, ихже не возмо́гут соста́вити. Я́ко положи́ши я́ хребёт, во избы́тцех Тво́их угото́виши лице́ их. Вознеси́ся, Го́споди, си́лою Твое́ю, воспоём и поём си́лы Тво́я.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бо́же. Трижды.

Го́споди, поми́луй. 3.

Сла́ва, и ны́не:

Псалом 21:

Бо́же, Бо́же мой, вонми́ ми, вскую́ оста́вил мя еси́? Далече́ от спасе́ния моего́ словеса́ грехопадений́ моих. Бо́же мой, воззову́ во дни, и не услы́шиши, и в но́щи, и не в безумие́ мне. Ты же во Святе́м живёши, хвало́ Изра́илева. На Тя упова́ша отцы́ на́ши, упова́ша и изба́вил еси́ я́. К Тебе́ воззва́ша, и спасо́шася, на Тя упова́ша, и не постыде́шася. Аз же есмь червь, а не челове́к, поноше́ние челове́ков и уничиже́ние люде́й. Все ви́дящие мя поруга́ша ми ся, глаго́лаша устна́ми, покива́ша главо́ю: упова́ на Го́спода, да изба́вит его́, да спасе́т его́, яко́ хо́щет его́. Яко́ Ты еси́ исто́ргий мя из чре́ва, упова́ние моё́ от сосцу́ ма́тере моея́. К Тебе́ приве́ржен есмь от ложе́сн, от чре́ва ма́тере моея́ Бог мой еси́ Ты. Да не отсту́пиши от мене́, яко́ скорбь́ близ, яко́ несть́ помога́й ми. Обыдо́ша мя тельцы́ мно́зи, юнцы́ ту́чнии одержа́ша мя. Отверзо́ша на мя уста́ своя́, яко́ лев восхища́яй и рыка́яй. Яко́ вода́ изли́хся, и разсы́пашася вся́ ко́сти моя́, бысть се́рдце моё́ яко́ воск, та́яй посреде́ чре́ва моего́. Изсше́ яко́ скуде́ль кре́пость моя́, и язы́к мой прильпе́ горта́ни моему́, и в персть́ сме́рти свел мя еси́. Яко́ обыдо́ша мя пси́ мно́зи, сонм лука́вых одержа́ша мя, ископа́ша ру́це мой и но́зе мой. Исчето́ша вся́ ко́сти моя́, тии́ же смотре́ша и презре́ша мя. Раздели́ша ризы́ моя́ себе́, и о оде́жди мое́й меташа́ жребий. Ты же, Го́споди, не удали́ по́мощь Твою́ от мене́, на заступле́ние моё́ вонми́. Изба́ви от ору́жия ду́шу мою́, и из руки́ пе́сии единоро́дную мою́. Спаси́ мя от уст льво́вых и от рог единоро́жь смире́ние моё́. Повём́ и́мя Твоё́ бра́тии мое́й, посреде́ це́ркве воспою́ Тя. Бо́ящиеся Го́спода, восхвалите́ Его́, все се́мя Иа́ковле, просла́вите Его́, да убойт́ся же от Него́ все се́мя Изра́илево. Яко́ не уничи́жи, ниже́ негодова́ моли́твы ни́щаго, ниже́ отврати́ лице́ Своё́ от мене́, и егда́ воззва́х к Нему́, услы́ша мя. От Тебе́ похвала́ моя́, в це́ркви вели́цей испове́мся Тебе́, моли́твы моя́ возда́м пред бо́ящимися Его́. Яды́т убо́зии и насы́тятся, и восхва́лят Го́спода взыска́ющие Его́, жива́ бу́дут се́рдца их в век ве́ка. Помяну́тся и обрат́ятся ко Го́споду все концы́ землі́, и покло́нятся пред Ним́ вся отечества́ язы́к. Яко́ Госпо́дне есть́ ца́рствие, и Той облада́ет язы́ки. Ядо́ша и поклоні́шася все ту́чнии землі́, пред Ним́ припаду́т все низходя́щие в зе́млю, и душа́ моя́ Тому́ живёт. И се́мя моё́ порабо́тает Ему́, возвестит́ Го́сподеви́ род гряду́щий. И возвестят́ пра́вду Его́ лю́дем ро́ждшымся, я́же сотвори́ Госпо́дь.

Псалом 22:

Господь пасёт мя, и ничтоже мя лишит. На месте злачне, тамо всели мя, на воде покойне воспитá мя. Душу мою обрати, настави мя на стези правды, имене ради Своего. Аще бо и пойду посреде сени смертных, не убоюсь зла, яко Ты со мною еси, жезл Твой и палица Твоя, та мя утешиста. Уготовал еси предо мною трапезу сопротив стужающим мне, умастил еси елеем главу мою, и чаша Твоя упоявajúщи мя, яко державна. И милость Твоя поженёт мя вся дни живота моего, и еже вселити ми ся в дом Господень, в долготу дней.

Псалом 23:

Господня земля, и исполнение ея, вселенная и вси живущии на ней. Той на морях основал ю есть, и на реках уготовал ю есть. Кто взидет на гору Господню? или кто стáнет на месте святем Его? Неповинен руками и чист сердцем, иже не прият всеу душу свою, и не клятса лестию искреннему своему. Сей примет благословение от Господа, и милостыню от Бога, Спаса своего. Сей род ищущих Господа, ищущих лице Бога Иаковля. Возмите врата князи ваша, и возмýтся врата вечная, и внидет Царь славы. Кто есть сей Царь славы? Господь крепок и силен, Господь силен в брани. Возмите врата князи ваша, и возмýтся врата вечная, и внидет Царь славы. Кто есть сей Царь славы? Господь сил, Той есть Царь славы.

Слава, и ныне:

Аллилуиа, аллилуиа, аллилуиа, слава Тебе, Боже. **Трижды.**

Господи, помилуй. **3.**

Слава, и ныне:

По кафисме седальны, глас 2:

Миронóсицы утро пришедшия,/ и гроб тощ видевшия, апостолом глаголаху:/ тление низложí державный,/ и сущия во аде исхити уз:/ проповедите дерзновением, яко воскресе Христос Бог, // даруяй миру велию милость.

Стих: Испове́мся Тебе Господи всем сердцем моим,/ пове́м вся чудеса Твоя.

Мíры погребения Твоего жены носяща,/ тай ко гробу приидоша уранше,/ иудейския боящися дерзости,/ и воинов предзряще утверждение./ Но естество немощное мужество победи,/ яко намерение милостивное Богу угодí./ Прилично́ убо взываху:/ воскресни́ Господи, помози́ нам, // и избави нас славы ради имене Твоего.

Слава Отцу и Сыну и Святому Духу и ныне и присно и во веки веков. **Аминь.**

Препрославлена еси Богородице Дево, поем Тя:/ Крестом бо Сына Твоего низложися ад/ и смерть умертвися:/ умерщвлении востяхом и живота сподобихомся,/ рай восприяхом древнее наслаждение./ Тем благодаряще славословим,/ яко державнаго Христа Бога нашего,// и единого Многомилостиваго.

НЕПОРОЧНЫ

Избранны стихи из псалма 118: глас 5

Блажени непорочнии в путь, ходящии в законе Господни. Блажени испытующии свидения Его, всем сердцем взыщут Его, не делающие бо беззакония, в путех Его ходиша. Ты заповедал еси заповеди Твоя сохранить зело. Дабы исправилися путие мой, сохранить оправдания Твоя. Тогда не постыжуся, внемгда призрети ми на вся заповеди Твоя. Исповемся Тебе в правости сердца, внемгда научити ми ся судьбам правды Твоея. Оправдания Твоя сохраню, не остави мене до зела. В чем исправит юнейший путь свой? Внемгда сохранить словеса Твоя. Всем сердцем моим взысках Тебе, не отрини мене от заповедей Твоих. В сердце моем скрых словеса Твоя, яко да не согрешу Тебе. Благословен еси, Господи: научи мя оправданием Твоим.

ТРОПАРЬ ВОСКРЕСНЫ ПО НЕПОРОЧНАХ, ГЛАС 5:

Благословен еси, Господи, научи мя оправданием Твоим.

Ангельский собор удивися, / зря Тебе в мертвых вменившася, / смертную же, Спасе, крепость разоривша, / и с Собою Адама воздвигша, / и от ада вся свободждша.

Благословен еси, Господи, научи мя оправданием Твоим.

Почто мира с милостивными слезами, / о ученицы, растворяете? / Блистаяйся во гробе Ангел мироносицам вещаше: / видите вы гроб и уразумейте, / Спас бо воскресе от гроба.

Благословен еси, Господи, научи мя оправданием Твоим.

Зело рано мироносицы течаху / ко гробу Твоему рыдающая, / но предста к ним Ангел и рече: / рыдания время преста, не плачите, / воскресение же апостолом рците.

Благословен еси, Господи, научи мя оправданием Твоим.

Миронóсицы жены́ с мѣры пришѣдшия / ко грóбу Твоему́, Спа́се, рыда́ху, / А́нгел же к ним рече́, глаго́ля: / что с ме́ртвыми жива́го помышля́ете? / Я́ко Бог бо, воскресе́ от грóба.

Сла́ва: Поклонѣ́мся Отцу́ / и Егó Сы́нови, и Свято́му Ду́ху, / Святе́й Трóице во еди́ном существе́, / с Серафѣ́мы зову́ще: / Свят, Свят, Свят еси́, Го́споди.

И ны́не: Жизнода́вца ро́ждши, / греха́, Де́во, Ада́ма изба́вила еси́, / ра́дость же Ё́ве / в печа́ли ме́сто подала́ еси́, / па́дшия же от жи́зни / к сей напра́ви / из Тебе́ воплотѣ́выйся Бог и Чело́век.

Аллилу́иа, аллилу́иа, аллилу́иа, сла́ва Тебе́, Бо́же. Трижды.

Го́споди, поми́луй. Трижды.

Сла́ва, и ны́не:

ИПАКО́Й ПРА́ЗДНИКА ТРИО́ДИ (НЕДЕ́ЛИ МИРОНО́СИЦ), ГЛАС 2:

По стра́сти шѣдша во гроб жены́, / во е́же помáзати тѣло Твое́, Христé Бо́же, / видеша а́нгелы во грóбе, и ужасóшася: / глас бо слы́шаху от них, я́ко воскресе́ Господь, // да́руя мѣрови ве́лию мѣлость.

СТЕПѢ́ННЫ:

Антифо́н 1, глас 2:

На не́бо о́чи пу́щаю моего́ се́рдца, к Тебе́, Спа́се, // спаси́ мя Твоѣ́м осия́нием.

Помѣ́луй нас согреша́ющих Тебе́ мно́го, / на вся́кий час, о Христé мой, // и даждь о́браз пре́жде конца́ пока́ятися Тебе́.

Сла́ва, и ны́не: Свято́му Ду́ху, Е́же ца́рствовати подобáет, / освяща́ти, подви́зати тварь: // Бог бо есть, Единосу́щен Отцу́ и Сло́ву.

Антифо́н 2:

А́ще не Господь бы́ был в нас, / кто дово́лен цел сохране́н бы́ти от врага́, // кúпно и чело́векоубѣ́йцы?

Зубо́м их не преда́ждь, Спа́се, Твоего́ раба́: // и́бо льво́вым о́бразом на мя подви́зajúтся врази́ мой.

Сла́ва, и ны́не: Свято́му Ду́ху живонача́лие и честь: / вся бо создáнная, / я́ко Бог сый си́лою, // соблю́дает во Отце́, Сы́ном же.

Антифо́н 3:

Наде́ющиися на Го́спода, уподо́бишася горе́ святе́й: // и́же

никакоже двѣжуются прилоги вражими.

В беззаконии рук своих да не прострут божественне живущии:// не оставляет бо Христос жезла на жребии Своём.

Слава, и ныне: Святым Духом точится всяка премудрость:/ отсюда благодать апостолом, // и страдальчества венчаются мученицы, и пророцы зрят.

ПРОКІМЕН, ГЛАС 2:

Востани, Господи, Боже мой, повелением, имже заповедал еси,/ и сонм людей обидет Тя.

Стих: Господи Боже мой, на Тя уповах, спаси мя.

Востани, Господи, Боже мой, повелением, имже заповедал еси,/ и сонм людей обидет Тя.

Господи, помилуй.

Слава, и ныне:

Всякое дыхание да хвалит Господа.

Стих: Хвалите Бога во святых Его, хвалите Его в утвержении силы Его.

Всякое дыхание да хвалит Господа.

Господи, помилуй. Трижды.

Слава, и ныне:

От Марка святого Евангелия чтение.

Слава Тебе, Господи, слава Тебе.

И ЧТЕМ ЕВАНГЕЛИЕ ВОСКРЕСНОЕ 3-Е:

Мк., 71 зач., XVI, 9-20.

Во время оно воскрес Иисус завтра, в первую субботу, явися прежде Марии Магдалины, из неяже изгна семь бесов. Она же шедши возвести с Ним бывшим, плачущимся и рыдающим. И они слышавше, яко жив есть, и виден бысть от нея, не яша веры. По сих же двема от них грядущема явися инем образом, идущема на село. И та шедша возвестиста прочим: и ни тема веры яша. Последи же возлежащим им единомунадесяте явися, и поноси неверствию их и жестосердию, яко видевшим Его воставша не яша веры. И рече им: шедше в мир весь, проповедите Евангелие всей твари. Иже веру имет и крестится, спасен будет, а иже не имет веры, осужден будет. Знамения же веровавшим сия последуют: именем Моим бесы ижденут; языки возглаблют новы;

змѣя возмѹт; аще и что смѣртно испиѹт, не вредѣт их; на недѹжныя рѹки возложат, и здрави бѹдут. Господь же ѹбо, по глаголаніи Его к ним, вознесѣся на небо, и сѣде одеснѹю Бѹга. Онѣ же изшедше проповѣдаша всѹду, Гѹсподу поспѣшствующу и слово утверждающу послѣдствующими знаменьями. Аминь.

Русский перевод: В то время воскреснув рано в первый день недели, Иисус явился сперва Марии Магдалине, из которой изгнал семь бесов. Она пошла и возвестила бывшим с Ним, плачущим и рыдающим; но они, услышав, что Он жив и она видела Его, - не поверили. После сего явился в ином образе двум из них на дороге, когда они шли в селение. И те, возвратившись, возвестили прочим; но и им не поверили. Наконец, явился самим одиннадцати, возлежавшим на вечери, и упрекал их за неверие и жестокосердие, что видевшим Его воскресшего не поверили. И сказал им: идите по всему миру и проповедуйте Евангелие всей твари. Кто будет веровать и креститься, спасен будет; а кто не будет веровать, осужден будет. Уверовавших же будут сопровождать сии знаменья: именем Моим будут изгонять бесов; будут говорить новыми языками; будут брать змей; и если что смертоносное выпьют, не повредит им; возложат руки на больных, и они будут здоровы. И так Господь, после беседования с ними, вознесся на небо и воссел одесную Бога. А они пошли и проповедовали везде, при Господнем содействии и подкреплении слова последующими знаменьями. Аминь.

Слава Тебѣ, Гѹсподи, слава Тебѣ.

Воскресѣние Христѹво видевше, поклонѣмся Святѹму Гѹсподу Иисѹсу, едѣному Безгрѣшному. Крестѹ Твоемѹ поклонѣемся, Христѣ, и святѹе Воскресѣние Твое поѣм и славим: Ты бо еси Бог наш, разве Тебѣ иногѹ не знаѣм, имя Твое именуѣм. Приидѣте, вси вѣрнии, поклонѣмся святѹму Христѹву Воскресѣнію: сѣ бо приидѣ Крестѹм радѹсть всемѹ мѣру. Всегда благословяще Гѹспода, поѣм Воскресѣние Его: распятіе бо претерпѣв, смѣртію смерть разруши. **Трижды.**

ПСАЛОМ 50 С ПРИПѢВАМИ

Псалѹм 50

Помѣлуй мя, Бѹже, по велицей мѣлости Твоеѣ, и по мнѹжеству щедрѹт Твоѣх очѣисти беззакѹніе моѣ. Наипаче омѣй мя от беззакѹнія моего, и от грѣха моего очѣисти мя; яко беззакѹніе моѣ аз знаѹ, и грѣх мой предо мноѹ есть вѣну. Тебѣ едѣному согрѣших, и лукавое пред Тобѹю сотворѣх; яко да оправдѣишия во словесѣх Твоѣх, и победѣши, внегда судѣти Ти. Сѣ бо в беззакѹнних зачат есмь, и во грѣсѣх родѣ мя мати моя. Сѣ бо истину возлюбѣл еси, безвѣстная и тайная премѹдрости Твоеѣ явил ми еси. Окропиши мя иссопом, и очѣшчѣся; омѣеши мя, и паче снѣга убелѹся. Слѹху

моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех мо́их, и вся беззако́ния моя́ очисти́. Сёрдце чи́сто сози́жди во мне, Бо́же, и дух прав обнови́ во утробе мое́й. Не отвержи мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́, и Ду́хом Влады́чним утверди́ мя. Научу́ беззако́нныя путе́м Твои́м, и нечестивии к Тебе́ обратят́ся. Изба́ви мя от крове́й, Бо́же, Бо́же спасе́ния моего́; возра́дуется язы́к мой пра́вде Твое́й. Го́споди, устне́ мои́ отве́рзеши, и уста́ моя́ возвестя́т хвалу́ Твою́. Яко́ а́ще бы восхоте́л еси́ же́ртвы, да́л бых у́бо: всесожже́ния не благоволи́ши. Же́ртва Бо́гу дух сокруше́н; се́рдце сокруше́нно и смире́нно Бог не уничижи́т. Ублажи́, Го́споди, благоволе́нием Твои́м Сио́на, и да сози́ждутся стёны Иерусали́мския. Тогда́ благоволи́ши же́ртву пра́вды, возноше́ние и всесожега́емая; тогда́ возложат́ на олта́рь Твой тельца́.

Сла́ва:

Моли́твами апо́столов, Ми́лостиве, очисти́ мно́жества беззако́ний на́ших.

И ны́не:

Моли́твами Богоро́дицы, Ми́лостиве, очисти́ мно́жества беззако́ний на́ших.

Таже, глас 6:

Поми́луй мя, Бо́же, по вели́цей ми́лости Твое́й, и по мно́жеству щедро́т Твои́х, очисти́ беззако́ние мое́.

Стихи́ра, глас то́йже:

Воскрэ́с Иису́с от гроба́, я́коже прорече́, даде́ нам живо́т ве́чный и ве́лию ми́лость.

Го́споди, поми́луй. 12.

Сла́ва, и ны́не:

КАНО́Н

Пёснь 1

Кано́н Пасхи, глас 1

Ирмо́с: Воскресе́ния день,/ просвети́мся, лю́дие./ Па́сха, Госпо́дня Па́сха:/ от сме́рти бо к жи́зни,/ и от земли́ к небеси́,/ Христо́с Бог нас преведе́, // победную пою́щия.

Припе́в: Христо́с воскре́се из ме́ртвых.

Очисти́м чу́вствия, и у́зрим/ непристу́пным све́том/ Воскресе́ния, Христа́/ блиста́ющая, / и ра́дуйтесь, реку́ща, / я́сно да услы́шим, // победную пою́ще.

Припе́в: Христос воскресе́ из ме́ртвых.

Небеса́ у́бо досто́йно да веселя́тся, / земля́ же да ра́дуется, / да пра́зднует же мир, / ви́димый же весь и неви́димый: / Христос бо воста́, // веселие ве́чное.

Припе́в: Пресвята́я Богоро́дице, спаси́ нас.

Умерщвле́ния предел сломи́ла еси́, / ве́чную жизнь ро́ждшая Христа́, / из гроба́ возсия́вшего днесь, / Де́во Всенепоро́чная, // и мир просвети́вшего.

Припе́в: Пресвята́я Богоро́дице, спаси́ нас.

Воскресе́шаго ви́девши Сы́на Твоего́ и Бо́га, / ра́дуйся со апо́столы Богоблагодáтная Чи́стая: / и е́же ра́дуйся пе́рвее, / я́ко всех ра́дости вина́, восприя́ла еси́, // Богома́ти Всенепоро́чная.

Канон пра́здника Трио́ди (Неде́ли Миронóсиц), глас 2:

Припе́в: Сла́ва Тебе́, Бо́же наш, сла́ва Тебе́.

Распя́лся еси́ плоти́ю, безстра́стный естество́м О́тчим: / прободён был еси́ в ре́бра, источи́вый ми́рови кровь и во́ду: // Ты Бог наш, и прославля́ем Тя.

Припе́в: Сла́ва Тебе́, Бо́же наш, сла́ва Тебе́.

Крест Твой почита́ю, и погребё́ние сла́влю Бла́же, / и пою́, и покланя́юся воста́нию Твоему́, и взыва́ю: // Ты Бог наш, и прославля́ем Тя.

Припе́в: Сла́ва Тебе́, Бо́же наш, сла́ва Тебе́.

А́ще и вкуси́л еси́ же́лчи, сла́досте церко́вная, / но источи́л еси́ нам нетле́ние от ребр Твои́х: // Ты Бог наш, и прославля́ем Тя.

Припе́в: Сла́ва Тебе́, Бо́же наш, сла́ва Тебе́.

Вмени́лся еси́, Спа́се, с ме́ртвыми, ме́ртвыя воздви́гнувый, / вкуси́л еси́ тли: / ислéния бо вся́ко не позна́л еси́: // Ты Бог наш, и прославля́ем Тя.

Припе́в: Сла́ва Тебе́, Бо́же наш, сла́ва Тебе́.

Да веселит́ся Сио́н, да ра́дуется и не́бо, / воскресе́ Христос, ме́ртвыя воздви́гнувый, песносла́вляюща: // Ты Бог наш, и прославля́ем Тя.

Припéв: Сла́ва Тебе́, Бо́же наш, сла́ва Тебе́.

Предваривши́ утро́ жены́, видеша Христа́,/ и божественным вопи́яху ученико́м:/ воистинну́ Христо́с воскресе́, // прииди́те с на́ми воспойте́ Его́.

Сла́ва Отцу́ и Сы́ну и Свято́му Ду́ху.

Всесвята́я Трои́це, еди́но Божество́, безнача́льная Еди́нице,/ Оче́ и Сы́не и Божественный Ду́ше, спасáй мир:// Ты Бог наш, и прославля́ем Тя.

И ны́не и прýсно и во ве́ки веко́в, ами́нь.

Богородичен: Дре́внюю кля́тву разрешивши́, Чи́стая, во утробе́ Твое́й/ возрасти́ла еси́ нам благослове́ние, Младенца́ роди́вши:// Сей бо́ Бог, а́ще и плоть но́сит.

Катава́сия Пасхи: Воскресе́ния день, /просвети́мся, лю́дие. / Па́сха, Господня́ Па́сха, / от сме́рти бо́ к жи́зни, / и от земли́ к небеси́, / Христо́с Бог нас преведе́, //побе́дную пою́щия.

Песнь 3:

Канон Па́схи, глас 1:

Ирмос: Прииди́те, пи́во пи́ем но́вое,/ не от ка́мене непло́дна чудодее́мое,/ но нетле́ния исто́чник/ из гроба́ одождивша́ Христа́, // в Не́мже утвержда́емся.

Припéв: Христо́с воскресе́ из ме́ртвых.

Ны́не вся испо́лнишася све́та,/ не́бо же и земля́, и преиспо́дня:/ да пра́зднует у́бо вся тварь/ воста́ние Христо́во, // в не́мже утвержда́ется.

Припéв: Христо́с воскресе́ из ме́ртвых.

Вчера́ спогребо́хся Тебе́ Христé,/ совостаю́ днесь/ воскресе́шу Тебе́,/ сраспина́хся Тебе́ вчера́, // Сам мя спросла́ви Спа́се во Ца́рствии Твое́м.

Припéв: Пресвята́я Богоро́дице, спаси́ нас.

На нетле́нную жизнь прихо́жду́ днесь/ бла́гостию ро́ждшагося из Тебе́, Чи́стая, // и всем конце́м свет облиста́вшего.

Припéв: Пресвята́я Богоро́дице, спаси́ нас.

Бо́га, Егóже родила́ еси́ плóтию,/ из ме́ртвых, я́коже рече́,/ воста́вша ви́девши, Чи́стая, лику́й, // и Сего́ я́ко Бо́га Пречи́стая возвелича́й.

Канон праздни́ка Трои́ди (Недели́ Мироноси́ц), глас 2:

Припéв: Сла́ва Тебе́, Бо́же наш, сла́ва Тебе́.

Длани на Кресте простерл еси Иисусе,/ языки вся от прелести собрав,// к познанию Твоему созвал еси Спасе.

Припев: Слава Тебе, Боже наш, слава Тебе.

Иудейстии людие Пилату вопиют:/ отпусти нам злодейственного разбойника,// возми, возми, распни Безгрешного.

Припев: Слава Тебе, Боже наш, слава Тебе.

Распэншуся Тебе, Христэ, помрачйся свет, земля потрясэся,// и из гробов мертвии восташа мнози, страхом державы Твоея.

Припев: Слава Тебе, Боже наш, слава Тебе.

Предстоящи Кресту Агница Твоя, Иисусе, плачем вопияше:/ камо идеша, Сыне;// камо грядеша, Агнче, за всех заклавыйся?

Припев: Слава Тебе, Боже наш, слава Тебе.

Воскрэшу Тебе, Христэ,/ сокрушишася верей и врата адова,// и смертныя узы разрушишася, абие страхом державы Твоея.

Припев: Слава Тебе, Боже наш, слава Тебе.

Да радуется с нами учеников двенадцатица,/ с мироносицами женами и Иосифом,// и со другими ученики и ученицами Христовыми.

Слава Отцу и Сыну и Святому Духу.

Троицен: Со Отцем и Сыну и Духу Правому,/ единому Естеству поклоняюся и воспеваю,// Лицы разделяя, и Существом соединяя.

И ныне и присно и во веки веков, аминь.

Богородичен: Блаженна еси, Чистая, из корене Иессеова сущая,// из негже жезл и цвет Христа, по плоти нас ради возрастившая.

Катавасия Пасхи: Приидите, пиво пием новое, / не от камене неплодна чудодеемое, / но нетления источник / из гроба одождивша Христа, // в Немже утверждаемся.

Господи, помилуй. Трижды.

Слава, и ныне:

Кондак Пасхи, глас 8:

Аще и во гроб низшел еси, Безсмертне,/ но адову разрушил еси силу,/ и воскресл еси, яко победитель, Христэ Боже,/ женам мироносицам вещавый: радуйтесь,/ и Твоим апостолом мир даруяй,// падшим подай воскресение.

Ўкос:

Ёже прэжде со́лнца Со́лнце заше́дшее иногд́а во гроб,/ предвари́ша ко
у́тру, и́щущия́ я́ко дне ми́роно́сицы де́вы,/ и друѓа ко друзе́й вопи́яху:/ о
други́ни! Прииди́те, воня́ми пома́жем те́ло живонóсное и погребéное,/
плоть воскресíвшаго па́дшаго Ада́ма, лежа́щую во грóбе./ Ёдем, потщíмся
я́коже волсв́и, и поклонíмся,/ и принесéм ми́ра я́ко да́ры, не в пеленáх, но в
плащани́це обв́итому,/ и пла́чим, и возопи́м: о Влады́ко, востáни,//
па́дшим пода́й воскресéние.

Седален праздника Троицы, глас 2

(Недэли Миронóсиц)

**Ми́ра те́пле грóбу прино́сят жены́, Спа́се,/ А́нгела свéтлостию́ ду́ши
веселя́ху,/ и Бо́га Тя́ всех проповéдаху, и ученико́м вопи́яху://
вои́стинну воскресéе из грóба всех Жизньь.**

Сла́ва Отцу́ и Сы́ну и Свято́му Ду́ху и ны́не и прísно и во ве́ки веко́в, ами́нь.

Другой седален праздника Троицы, глас 2

(Недэли Миронóсиц)

**Ученико́в Твои́х лик с ми́роно́сицами жена́ми ра́дуется согла́сно:/
о́бщий бо пра́здник с ни́ми пра́зднуют,/ в сла́ву и честь Твоего́
Воскресéния./ И те́ми вопи́ем Ти, Человеколю́бче Го́споди:// лю́дем
Твои́м пода́ждь ве́лию ми́лость.**

Песнь 4

Канóн Пасхи, глас 1

Ирмо́с: На Божéственной стра́жи / богоглаго́ливый Авваку́м / да ста́нет
с на́ми и пока́жет / светонóсна А́нгела / я́сно глаго́люща: / днесь спасéние
ми́ру, / я́ко воскресéе Христóс, // я́ко всеси́лен.

Припе́в: Христóс воскресéе из ме́ртвых.

**Му́жеский у́бо пол,/ я́ко развэ́рзый де́вственную утрóбу,/ яви́ся
Христóс:/ я́ко человек же,/ А́гнец наречéся:/ непорóчен же,/ я́ко
невку́сен сквэрны,/ на́ша Пáсха,/ и я́ко Бог и́стинен// совершён
речéся.**

Припе́в: Христóс воскресéе из ме́ртвых.

**Я́ко единолётный а́гнец,/ благословéнный нам венéц Христóс,/
волею́ за всех заклáн бысть,/ Пáсха чисти́тельная,/ и па́ки из грóба**

красное// правды нам возсия Солнце.

Припев: Пресвятая Богородице, спаси нас.

Создавший Адама, Твоего праотца, Чистая,/ зиждется от Тебе,/ и смертное жилище разори Своєю смертию днесь,/ и озари вся// божественными блистаньями воскресения.

Припев: Пресвятая Богородице, спаси нас.

Егоже родила еси Христа,/ прекрасно из мертвых возсиявша, Чистая, зрящи,/ добрая и непорочная в женах и красная,/ днесь во спасение всех,// со апостолы радующися, Того прославляй.

Канон праздника Троицы (Недели Мироносиц), глас 2:

Припев: Слава Тебе, Боже наш, слава Тебе.

Крестом пленил еси адово чрево,/ и совоздвигл еси мертвые,/ и смерти разрушил еси мучительство:/ темже иже от Адама поклоняющися,// поем погребение Твое и востание Христе.

Припев: Слава Тебе, Боже наш, слава Тебе.

Благоволывый, Спасе наш,/ за благоутробие милости пригвоздятся на Кресте,/ и от праотчия избавити ны клятвы,/ разреши узы многих моих согрешений:// можеш бо, елика хощеши, творити.

Припев: Слава Тебе, Боже наш, слава Тебе.

На Кресте пригвоздивый мою древнюю клятву,/ и источивый мне, Спасе, благословение кровию от ребр Твоих,/ разреши узы многих моих согрешений:// можеш бо, елика хощеши, творити.

Припев: Слава Тебе, Боже наш, слава Тебе.

Ад Спасе, срет Тя в преисподних, огорчися/ помышляя, яко яже древле пожрети возмогий,/ ныне неволю отдав, истязуется в дольних,// и пленяемь и обнажаемь бывает мертвых.

Припев: Слава Тебе, Боже наш, слава Тебе.

Воистинну постыдитесь беззаконнии,/ Христос бо воскрес, и совоздвиге мертвые, зовый:/ дерзайте, аз победих мир./ Веруйте убо Ему, или умолчите лестцы,// отметающися Воскресения Его.

Припев: Слава Тебе, Боже наш, слава Тебе.

Иосифа благообразнаго,/ ревнителя благочестия, советника и ученика,/ с мироносицами почтим, и апостолами, зовуще с ними, // и верно воспевающе Спасово Воскресение светло.

Слава Отцу и Сыну и Святому Духу.

Пресущнаго Божества нераздельную славу, кто возможет изрещи? / Единое бо Естеством сущи Троица поется безначальная, / срасленная яко Единица, // в Троице певаемая Ипостасьми простыми.

И ныне и присно и во веки веков, аминь.

Богородичен: Во чрево Твое всельшагося безмужно рождающая, Мати Дево Чистая, / непрестанно моли, яко Богородица, / разрешити узы многих моих согрешений: // можеш бо, елика хощеш, помощи.

Катавасия: На Божественней стражи / богоглаголивый Аввакум / да станет с нами и покажет / светоносна Ангела / ясно глаголюща: / днесь спасение миру, / яко воскресе Христос, // яко всесильен.

Песнь 5

Ирмос: Утренюем утреннюю глубокую, / и вместо мира песнь принесем Владыце, / и Христа узрим / правды Солнце, // всем жизнь возсияющая.

Припев: Христос воскрес из мертвых.

Безмерное Твое благоутробие, / адовыми узами содержи мии зряще, / к свету идящу, Христе, / веселыми ногами, // Пасху хваляще вечную.

Припев: Христос воскрес из мертвых.

Приступим священоснии, / исходящу Христу из гроба, яко жениху, / и спразднуем любопрядственными чинми // Пасху Божию спасительную.

Припев: Пресвятая Богородице, спаси нас.

Просвещается божественными лучами и живоносными / воскресения Сына Твоего, / Богомати Пречистая, // и радости исполняется благочестивых собрание.

Припев: Пресвятая Богородице, спаси нас.

Не разверзл еси врата девства в воплощении, / гроба не разрушил еси печатей, Царю создания: // отонудуже воскресшаго Тя зрящи, Мати, радовалася.

Канон праздника Троицы (Недели Мироносиц), глас 2:

Припев: Слава Тебѣ, Бѣже наш, слава Тебѣ.

**Ты первую одѣжду мою, / юже ми истка, увѣ мне, сеятель греха, //
совлѣкл еси, Спасе мой, облѣкся в мя.**

Припев: Слава Тебѣ, Бѣже наш, слава Тебѣ.

**Лѣстие смоковное сши мне грех мой, увѣ мне, / не сохранишему,
Спасе мой, пречѣстную заповѣдь Твою, // зминым советом.**

Припев: Слава Тебѣ, Бѣже наш, слава Тебѣ.

**Уязвившуюся душу мою разбойническими помышлѣньми моими, //
представый иже от Марии, и елей возлив, исцели Христос.**

Припев: Слава Тебѣ, Бѣже наш, слава Тебѣ.

**У Креста предстоящи Пречѣстая Богородица, матерски зываше: //
оставил Мя еси единому, о Сыне Мой и Бѣже!**

Припев: Слава Тебѣ, Бѣже наш, слава Тебѣ.

**Где твоѣ, смѣрте, жало; / где твоѣ, аде, побѣда? / Адам да свопѣт: //
сокрушился еси оживлѣнием воздвигшаго мертвѣя.**

Припев: Слава Тебѣ, Бѣже наш, слава Тебѣ.

**Мироносицы жены гроба Твоего достигшия, оживившаго
дѣльных, // глас слышаху глаголющий: воскрес Христос.**

Слава Отцу и Сыну и Святому Духу.

**Троицен: Тебѣ, Богу и Отцу, и Сыну, и Духу поклоняюся, трем
Ипостасем, // и единому три верую, Существом единым.**

И ныне и присно и во веки веков, аминь.

**Богородичен: Тя, безсеменным Рождеством родившую паче
естества // обновившаго естество, Христа единого Владыку воспеваем,
вернии.**

**Катавасия Пасхи: Утренюем утреннюю глубокую, / и вместо мира песнь
принесем Владыце, / и Христа узрим / правды Солнце, // всем жизнь
возсияющая.**

Песнь 6

Канон Пасхи, глас 1

Ирмос: Снизшёл еси в преисподняя земли, / и сокрушил еси верей вечныя, / содержащая связанная, Христё, / и триднёвен, яко от кита Иона, // воскресл еси от гроба.

Припев: Христос воскрес из мёртвых.

Сохранив цела знамения Христё, / воскресл еси от гроба, / ключи Девы не вредивый в рождестве Твоём, // и отверзл еси нам райския двери.

Припев: Христос воскрес из мёртвых.

Спасе мой, / живое же и нежертвенное заклёние, / яко Бог Сам Себе / волею привёл Отцу, / совоскресил еси всероднаго Адама, // воскрес от гроба.

Припев: Пресвятая Богородице, спаси нас.

Возведёся древле держимое смертию и тлением, / воплотившимся от Твоего пречистаго чрева, / к нетленной и присносущней жизни, // Богородице Дево.

Припев: Пресвятая Богородице, спаси нас.

Сниде в преисподняя земли, / в ложесна Твоя, Чистая, сшедый, / и вселившийся и воплотившийся паче ума, / и воздвиже с Собою Адама, // воскрес от гроба.

Канон праздника Троицы (Недели Мироносиц), глас 2:

Припев: Слава Тебе, Боже наш, слава Тебе.

Мертв есть ад, дерзайте земнороднии, / Христос бо на Древе висий, / верже оружие нань, и лежит мертв: // яже бо имяше, пленися обнажився.

Припев: Слава Тебе, Боже наш, слава Тебе.

Пленися ад, дерзайте мёртвии, и гроби отверзюшася, / востаните от ада, вопиет вам Христос, // вся пришедый избавити от смерти и тли.

Припев: Слава Тебе, Боже наш, слава Тебе.

Мёртвья якоже возмог пожёрл еси иногда, ныне истязуемь / аде, отдаждь Ми, вопиет тебе Жизнодавец и Бог, // вся пришедый избавити от несъятаго твоего чрева.

Припев: Слава Тебе, Боже наш, слава Тебе.

Жены миронóсицы, что тщитесь прóчее;/ что же живóму мiра принóсите,/ воскресе Христóс, я́коже предрече.// Да престáнут вáша слéзы, прешедшия на рáдость.

Припéв: Слáва Тебé, Бóже наш, слáва Тебé.

Плащаницею Тя, Христé, обвинив Иóсиф благообráзный, во грóбе положи:/ миропомáзав же разорéнный Твоегó телесé храм,// привали́ камень вели́кий ко грóбу.

Припéв: Слáва Тебé, Бóже наш, слáва Тебé.

Госпóдь воскресе пленiвый врагá,/ и úзники истóргнув, возведé вся,/ и первоздáннаго Адáма, тогó возставляя,// я́ко Благоутрóбен и Человеколóбец Бог.

Слáва Отцú и Сýну и Святóму Дúху.

Трои́чен: Трóицу во Едiнстве воспоiм вёрнии,/ с Сýном Отцá сла́вяще, и Дúха единосúщна Сýну, и сúща во Отцé// собезначáльнаго и присносúщнаго Бóга.

И ны́не и прiсно и во вéки веко́в, амiнь.

Богородичен: Во чрéве невоздéланно зачалá еси́, Чiстая, нетлéния грозд, я́ко лозá:/ из нея́же безсмёртия то́ки,// я́коже вино́ нам источáют вéчную жизнь.

Катавáсия Пасхи: Снизшéл еси́ в преиспóдняя землi, / и сокрушил еси́ верей вéчныя, / содержа́щая связанная, Христé, / и триднёвен, я́ко от кiта Иóна, // воскрeсл еси́ от грóба.

Гóсподи, помiлуй. **Три́жды.**

Слáва, и ны́не:

Кондáк прáздника Трiоди, глас 2:

(Недéли Миронóсиц)

Рáдоватися миронóсицам повелéл еси́,/ плачь прамáтере Ёвы утоли́л еси́/ воскресéнием Твоiм, Христé Бóже,/ апóстолом же Твоiм проповéдати повелéл еси́:// Спас воскресе от грóба.

Йкос:

На гроб Твой, Спáсе, миронóсицы идúщия,/ к себé недоумевáхуся умóм, и вещáху:/ кто нам кáмень отвалiт грóбный?/ И воззрéвша вiдят, я́ко кáмень отвален бе,/ зрáку же áнгелову со одея́нием дивл́яхуся:/ содержи́ми же б́яху трéпетом, и бежáти помышл́яху./ И к ним iуноша возопi:/ не бóйтесь вы, Егóже ищите, востá,/ приидiте, вiдите мéсто,

идеже лежаше тело Иисусово,/ и скоро шедшия возвестите учеником://
Спас воскресе от гроба.

Песнь 7

Канон Пасхи, глас 1

Ирмос: Отроки от пещи избавивый, / быв Человек, / страждет яко смертен, / и страстию смертное, / в нетления облачит благолепие,/ Един благословен //отцев Бог и препрославлен.

Припев: Христос воскресе из мертвых.

Жены с мiры богомудрыя в след Тебе течаху:/ Егoже, яко мертва, со слезами искаху,/ поклонишася радующияся Живо́му Бо́гу,/ и Пасху тайную// Твоим, Христе, учеником благовестиша.

Припев: Христос воскресе из мертвых.

Смерти празднуем умерщвление,/ адово разрушение,/ иного жития вечнаго начало,/ и играюще поем Виновнаго,/ Единого благословеннаго// отцев Бога, и препрославленнаго.

Припев: Пресвятая Богородице, спаси нас.

Умертвив Сын Твой смерть, Всенепорочная, днесь,/ всем смертным пребывающий живот/ во веки веков дарова,/ един благословенный// отцев Бог и препрославленный.

Припев: Пресвятая Богородице, спаси нас.

Всем царствуяй созданием, быв человек,/ вселися в Твою, Богоблагодатная, утробу,/ и распятие претерпев и смерть,/ воскресе боголепно,// совозставив нас яко всесильен.

Канон праздника Троицы (Недели Мироносиц), глас 2:

Припев: Слава Тебе, Боже наш, слава Тебе.

Ты, яко Человеколюбец, хотяй вся спасти от прелести, яже создал еси,/ претерпел еси пригвоздиться на Кресте:/ да погребенный образ страстми, сей плотию Твоею обновishi, Спасе,// и ад низложив, воскресил еси и умершия с Собою.

Припев: Слава Тебе, Боже наш, слава Тебе.

На Кресте возвышаемь, вся призвал еси/ к Себе Щедре, якоже обещал еси Блаже:/ яко воистинну вся сия грехов ради наших пострадати благоволил еси.// Темже и разбойнику райская врата отверзл еси, Спасе.

Припéв: Сла́ва Тебе́, Бо́же наш, сла́ва Тебе́.

Ты храм телéсный воздв́игл еси́ разорéнный,/ триднéвно из грóба, я́коже обеща́л еси́ Бла́же:/ да во́истинну ска́жешу сла́ву Твою́,/ ю́же нам источа́еши véрою, // ўзы разреш́ив, ихже держа́ше дрéвле ад свя́занных.

Припéв: Сла́ва Тебе́, Бо́же наш, сла́ва Тебе́.

О иудéйское безúмие! **О** нействовство беззакóнных!/**Что** неверное в́идевше, не véровасте Христу́;/ я́ко немощн́ия, не слóвом ли воздв́иге?/**Или** я́ко весь мир Той не спасé ли, // да уверя́ют вас понé вóини, или́ воскрéсшие из мёртвых.

Припéв: Сла́ва Тебе́, Бо́же наш, сла́ва Тебе́.

Омертвёв́шии стра́жие ны́не да глаго́лют,/ ка́ко укра́ден бысть, Егóже не в́идеша неразу́мнии всегд́а?/**А́ще** бо воскрéсша не в́идеша, ни ощути́ша,/ ка́ко укра́дена Сего́ разумéти можа́ху когд́а? // Да уверит вы понé ка́мень сей, и погребáльная Христо́ва

Припéв: Сла́ва Тебе́, Бо́же наш, сла́ва Тебе́.

Что я́ко мёртва блюде́те;/ что печа́ти на ка́мени положи́сте евре́е, стра́хом боя́щися краде́ния?/**Се** во́истинну гроб запечатле́ся:/ ка́ко ўбо воскрéсе, а́ще не бы Бог был Христóс? // Да уверя́ют вы воскрéсшии, и в́идени б́ывшии мно́гими.

Сла́ва Отцу́ и Сы́ну и Свято́му Ду́ху.

Трои́чен: Со Отце́м сла́вим Сы́на, и Ду́ха Свята́го,/ вопию́ще непреста́нным гла́сом:/ Трóице, еди́нственное Су́щество, поми́луй, спаси́ вся,/ в триéх Ли́цах Еди́нице, ущéдри ны, // препросла́вленный Бо́же, во ве́ки.

И ны́не и пр́исно и во ве́ки веко́в, ами́нь.

Богородичен: Во чре́ве Твоём, Пречи́стая, ка́ко вмест́ила еси́ Младéнца,/ Егóже трепéщут си́лы а́нгельския я́ко Бо́га?/**Ра́зве** я́коже восхоте́, я́коже весть всели́ся,/ вся спасти́ хотя́й от Ада́ма земнорóдныя, // разреш́ивый Ада́ма кля́твы о́ныя, снédию го́рькою.

Катава́сия Пасхи: О́троки от пéщи изба́вивый, / быв Чело́век, / стра́ждет я́ко смёртен, / и стра́стию смёртное, / в нетлéния облачи́т благоле́пие,/ Еди́н благословéн //отце́в Бог и препросла́влен.

Песнь 8

Канон Пасхи, глас 1

Ирмос: Сей нареченный и святы́й день, / Еди́н суббо́т Царь и Госпо́дь,
/пра́здников пра́здник / и торже́ство есть торже́ств, // во́ньже
благослови́м Христа́ во ве́ки.

Припе́в: Христо́с воскресе́ из ме́ртвых.

**Приидите, но́ваго виногра́да рожде́ния, / Божество́ннаго весе́лия, / в
наро́читом дни Воскресе́ния, / Ца́рствия Христо́ва приобщи́мся, /
поюще́ Его́, // я́ко Бо́га, во ве́ки.**

Припе́в: Христо́с воскресе́ из ме́ртвых.

**Возведи́ о́крест о́чи твои́, Сионе́, и виждь: / се бо приидо́ша к тебе́, /
я́ко богосве́тлая свети́ла, / от за́пада, и се́вера, и мо́ря, / и восто́ка ча́да
тво́я, // в тебе́ благословя́щая Христа́ во ве́ки.**

Припе́в: Пресвята́я Богоро́дице, спаси́ нас.

**Прииде́ Тобо́ю в мир Госпо́дь, Де́во Богоро́дице, / и чре́во а́дово
расто́рг, / сме́ртным нам воскресе́ние дарова́: // Те́мже благослови́м
Его́ во ве́ки.**

Припе́в: Пресвята́я Богоро́дице, спаси́ нас.

**Всю́ низложи́в сме́рти держа́ву Сын Тво́й, Де́во, / Свои́м
воскресе́нием, / я́ко Бог кре́пкий совознесе́ нас и обожи́: // те́мже
воспева́ем Его́ во ве́ки.**

Канон праздника Троицы (Недели Мироносиц), глас 2:

Припе́в: Сла́ва Тебе́, Бо́же наш, сла́ва Тебе́.

**Со́лнечныя зарí спря́тахуся стра́хом Христо́вых страда́ний, / и
воста́ху ме́ртвии, и го́ры прекланя́хуся, // и колеба́шешя земля́, и ад
обнажа́шешя.**

Припе́в: Сла́ва Тебе́, Бо́же наш, сла́ва Тебе́.

**В пе́щи су́щии иногда́ треблаже́ннии о́троцы / возвыша́юще ру́ки,
прообража́ху, Бла́же, пречестный́ Крест Тво́й, // и́мже низложи́л еси́,
Христэ́, вра́жию си́лу.**

Припе́в: Сла́ва Тебе́, Бо́же наш, сла́ва Тебе́.

**О иудее́ слепи́и преле́стницы и престу́пницы, / Христо́ву
Воскресе́нию неве́рующи, я́ко ло́жному: // что неве́рное ви́дите, я́ко
воскресе́ Христо́с, ме́ртвыя воздви́гий?**

Припéв: Сла́ва Тебе́, Бо́же наш, сла́ва Тебе́.

О иудее врази́, а́ще и нам не ве́руете,/ ва́ша во́ины вы вопросите́, что постра́даша онí?// Кто отвали́вый рука́ми ка́мень от грóба?

Припéв: Сла́ва Тебе́, Бо́же наш, сла́ва Тебе́.

Зовет ка́мень са́мый, печа́ти вопи́ют, я́же вы положи́вше,/ поста́viste стра́жу храня́щую гроб:// во́истинну воскресе́ Христо́с, и живёт во ве́ки.

Припéв: Сла́ва Тебе́, Бо́же наш, сла́ва Тебе́.

Во́истинну воскресе́ Христо́с,/ пленён бысть ад, умертв́ися змий,/ изба́вися Ада́м, потрясо́шася до́льнии:// что не ве́руете прóчее, врази́ и престу́пницы?

Благослови́м Отца́, и Сы́на, и Свята́го Ду́ха, Го́спода.

Трои́чен: Со Отце́м Сы́на, и Ду́ха Свята́го/ Святу́ю Трои́цу в Божестве́ еди́ном прославля́ем, вопи́юще:// Свят, Свят, Свят еси́ во ве́ки.

И ны́не и пр́сно и во ве́ки веко́в, ами́нь.

Богородичен: Во чре́ве Твое́м, Чи́стая, присноживо́тный хлеб,/ смешённый несме́сно, смешёнием на́шим,// родила́ еси́ непрелóжно еди́наго Христа́ Бо́га во двою́ существу́.

Хва́лим, благослови́м, покланя́емся Го́сподеви, пою́ще и превозно́сюще во вся ве́ки.

Катава́сия: Сей нарече́нный и святы́й день, / Еди́н суббо́т Царь и Госпо́дь, /пра́здников пра́здник / и торже́ство есть торже́ств, // во́ньже благослови́м Христа́ во ве́ки.

Честнейшую не поем.

Песнь 9

Кано́н Пасхи, глас 1

Ирмо́с: Свети́ся, свети́ся, / но́вый Иерусали́ме, / сла́ва бо Госпо́дня / на тебе́ возсия́. /Лику́й ны́не и весели́ся, Си́оне. /Ты же, Чи́стая, красуй́ся, Богоро́дице, // о воста́нии Рожде́ства Твоего́.

Припéв: Христо́с воскресе́ из ме́ртвых.

О Божество́ннаго, о любезна́го,/ о сладча́йшаго Твоего́ гла́са!/ С на́ми бо нелóжно/ обеща́лся еси́ бы́ти,/ до сконча́ния ве́ка, Христо́с:/ Его́же, ве́рнии, // утвержде́ние наде́жди иму́ще, раду́емся.

Припéв: Христо́с воскресе́ из ме́ртвых.

О Пáсха вéлия и свящénнейшая, Христé!/
О мýдросте, и Слóве Бóжий, и сýло!/
Подава́й нам ýстее Тебé причащáтися, // в невечéрном дни Цáрствия Твоегó.

Припéв: Пресвятáя Богорóдице, спаси нас.

Соглáсно, Дéво, Тебé блажím вёрнии:/
ра́дуйся, двéре Госпóдня:/
ра́дуйся, гра́де одушевлéнный:/
ра́дуйся, Ея́же ráди нам нýне возсия́ свет, // из Тебé Рождéннаго из мёртвых Воскресéния.

Припéв: Пресвятáя Богорóдице, спаси нас.

Весел́ися и ра́дуйся божéственная двéре Свéта:/
зашéдый бо Исýс во гроб возсия́,/
просия́в сóлнца светлée, / и вёрныя вся озарív, //
Богорáдованная Влады́чице.

Канон праздника Троицы (Недели Мироносиц), глас 2:

Припéв: Слáва Тебé, Бóже наш, слáва Тебé.

И́же на Крестé разбóйника, познáвша Тя Бóга, /
наслéдника соделал еси́ мýсленному раю́, //
éже помяни́ мя, вопию́ща, Всесильне Спáсе.

Припéв: Слáва Тебé, Бóже наш, слáва Тебé.

Заушéн нас ráди, / и оплевáн был еси́, Исýсе, от беззакóнников, //
скрижа́ли закóна начертáвый в Синáи, угóднику Моисéю.

Припéв: Слáва Тебé, Бóже наш, слáва Тебé.

О́цта и жéлчи, Спáсе, напоён был еси́ нас ráди, /
да́вый нам тéло и честнýю кровь, //
в снeдь же и питиé вéчныя Твоея́ жízни.

Припéв: Слáва Тебé, Бóже наш, слáва Тебé.

В животвóрная рéбра копиём прободён быв, Христé, /
пречýстую Твою́ кровь, и честнýю вóду //
источил еси́ мýрови, я́ко присноживóтный истóчник.

Припéв: Слáва Тебé, Бóже наш, слáва Тебé.

Кто укра́дый мёртвaго, пáче же и нáга? /
Что льститéся еврее́? //
Христóс воскресе́, и разрушáются áдовы úзы и верей.

Припéв: Слáва Тебé, Бóже наш, слáва Тебé.

Иóсифа чýднаго да восхва́лим вёрнии, /
кúпно с Никодíмом, и миронóсицами вёрными, //
вопию́щия: Госпóдь воскресе́ во́истинну.

Слáва Отцý и Сýну и Святóму Дýху.

Троицен: Безначáлен есѣ́ Отче,/ несоздáнен есѣ́ Сы́не,/ сопрестóлен и Ду́ше Святы́й,/ еди́но [Сия́ три] Естество́м, и три Ли́цы, // еди́не Бо́же и́стинный.

И ны́не и прѣ́сно и во ве́ки веко́в, ами́нь

Богородичен: Да веселѣ́тся Иессѣ́й, да ликовству́ет и Дави́д:/ се бо Де́ва Богора́сленный жезл прозябе́, // цвет присноживо́тный Христа́.

Катава́сия Пасхи: Светѣ́ся, светѣ́ся, / но́вый Иерусали́ме, / сла́ва бо Господня́ / на тебѣ́ возсия́. /Лику́й ны́не и веселѣ́ся, Сио́не. /Ты же, Чи́стая, красу́йся, Богоро́дице, // о воста́нии Рожде́ства Твоего́.

Господи, помѣ́луй. Трижды.

Сла́ва, и ны́не:

Свят Госпо́дь Бог наш. Свят Госпо́дь Бог наш. Свят Госпо́дь Бог наш.

Светѣ́лен Па́схи, самогла́сен:

Пло́тию усну́в,/ я́ко мертв,/ Царю́ и Госпо́ди,/ тридне́вен воскре́сл есѣ́,/ Ада́ма воздвѣ́г от тли,/ и упразднѣ́в смерть:/ Па́сха нетле́ния, // ми́ра спасѣ́ние.

Сла́ва, и ны́не:

Светѣ́лен пра́здника Трио́ди (Неде́ли Мирно́сиц):

Же́ны услы́шите глас ра́дования:/ мучи́теля а́да попра́вый, от тли мир воздвѣ́же,/ тецы́те, друго́м рцы́те Моѣ́м благове́стия:/ хо́щю́ бо создáние Своѣ́ радостію озари́ти, // отону́дуже при́де печáль.

ХВАЛИ́ТНЫ ПСАЛМЫ, ГЛАС 2

Вся́кое дыха́ние да хва́лит Госпо́да. Хвалі́те Госпо́да с небѣ́с, хвалі́те Егó в вы́шних. Тебѣ́ подобáет песнь Бо́гу. Хвалі́те Егó, вси А́нгели Егó, хвалі́те Егó, вся Сѣ́лы Егó. Тебѣ́ подобáет песнь Бо́гу.

(в приходской практике пропускается до стихир) : **Хвалі́те Егó, со́лнце и луна́, хвалі́те Егó, вся звѣ́зды и свет. Хвалі́те Егó Небеса́ небѣ́с и вода́, я́же превѣ́ше небѣ́с. Да восхва́лят ѡ́мя Господне: я́ко Той рече́, и бы́ша, Той повеле́, и создáшася. Поста́ви я́ в век и в век ве́ка, повелѣ́ние положи́, и не ми́мо ѡ́дет. Хвалі́те Госпо́да от земли́, змѣ́еве и вся бѣ́здны: огонь, град, снег, го́лоть, дух бу́рен, творя́щая сло́во Егó, го́ры и вси хо́лми, древа́ плодоно́сна и вси ке́дри, зве́рие и вси скóти, га́ди и птѣ́цы перна́ты. Ца́рие зѣ́мстии и вси лю́дие, кня́зи и вси суди́й зѣ́мстии, ю́ноши и де́вы, ста́рцы с ю́нотами да**

восхваля́ют и́мя Господне, я́ко вознесё́ся и́мя Того́ Еди́наго, испове́дание Его́ на землі́ и на небеса́х. И вознесёт рог люде́й Свои́х, песнь всем преподо́бным Его́, сыновом́ Изра́иловым, лю́дем, приближа́ющимся Ему́.

Воспойте Господеви песнь нову, хваление Его в церкви преподобных. Да возвеселится Израиль о сотворшем Его, и сынове Сиони возрадуются о Царе своем. Да восхвалят имя Его в лице, в тимпане и псалтири да поют Ему. Яко благоволит Господь в людех Своих, и вознесет кроткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остри в руках их: сотворити отмщение во языцех, обличения в людех, связати цари их путы, и славныя их ручными оковы железными,

Стихиры на хвалитех, глас 2:

Сотворити в них суд написан. / Слава сия будет всем преподобным Его.

Всякое дыха́ние и вся тварь, / Тя сла́вит, Го́споди, / я́ко Кресто́м смерть упраздні́л еси́, / да пока́жеши лю́дем, е́же из ме́ртвых Твое́ Воскресе́ние, // я́ко еди́н Человеколю́бец.

Хвалите Бо́га во святы́х Его́, / хвалите́ Его́ в утверже́нии си́лы Его́.

Да реку́т иуде́и, ка́ко во́ини погуби́ша стрегу́щии Царя́? / Почто́ бо ка́мень не сохрани́ Ка́мене жи́зни? / Или́ погребё́ннаго да да́дут, / или́ Воскресе́шему да покло́нятся, глаго́люще с на́ми: / сла́ва мно́жеству щедро́т Твои́х, // Спа́се наш, сла́ва Тебе́.

Хвалите Его́ на си́лах Его́, / хвалите́ Его́ по мно́жеству вели́чества́ Его́.

Ра́дуйтесь, лю́дие, и весели́тесь, / А́нгел седя́й на ка́мени гробне́м, / той нам благовестí, рек: / Хри́сто́с воскресе́ из ме́ртвых, Спас ми́ра, / и испо́лни вся́ческая благоуха́ния: // ра́дуйтесь, лю́дие, и весели́тесь.

Хвалите Его́ во гла́се тру́бне́м, / хвалите́ Его́ во псалти́ри и гу́слех.

А́нгел у́бо, е́же ра́дуйся, / пре́жде Твоего́ зача́тия, Го́споди, Благода́тней принесе́; / А́нгел же ка́мень сла́внаго Твоего́ гроба́ в Твое́м Воскресе́нии отвали́. / Ов у́бо в печа́ли ме́сто, весели́я о́бразы возвеща́я: / сей же вме́сто сме́рти, Влады́ку Жизнода́вца пропове́дуя нам. / Те́мже вопие́м Ти: // Благоде́телю всех, Го́споди, сла́ва Тебе́.

Хвалите Его́ в тимпа́не и ли́це, / хвалите́ Его́ во стру́нах и орга́не.

Возли́яша ми́ра со слеза́ми на гроб Твой жены́, / и испо́лнишася ра́дости уста́ их, // внегда́ глаго́лати: воскресе́ Госпо́дь.

Хвалите Его́ в кимва́лех доброгласных, хвалите́ Его́ в кимва́лех восклица́ния. / Вся́кое дыха́ние да хва́лит Го́спода.

**Да похва́лят язы́цы и лю́дие Христа́ Бо́га на́шего,/ во́лею нас ра́ди
Крест претерпе́вшего,/ и во а́де тридне́вновавшаго,/ и да поклóнятся
Его́ из ме́ртвых Воскресе́нию, // и́мже просвети́шася все́го ми́ра концы́.**

**Воскресни́ Го́споди Бо́же мой, да вознесе́тся рука́ Твоя́,/ не забу́ди
убо́гих Твои́х до конца́.**

**Ра́спят и погребён был еси́, Христэ́, я́коже изво́лил еси́,
испрове́ргл еси́ смерть, и воскрэ́сл еси́ во сла́ве,/ я́ко Бог и Влады́ка,
да́руя ми́рови жизнь ве́чную, // и ве́лию ми́лость.**

Испове́мся Тебе́ Го́споди всем се́рдцем мо́им,/ пове́м вся чудеса́ Твоя́.

**О войсти́нну беззако́ннии,/ печата́вше ка́мень, бо́льших нас
чудес сподо́бисте!// И́мут ра́зум стра́жие,/ днесь прóйде из грóба, и
глаго́лаху:/ рцы́те, я́ко нам спя́щим,/ приидо́ша ученицы́, и украдо́ша
Его́./ И кто кра́дет мертвеца́, па́че же и на́га;/ Сам воскрэ́се
самовла́стно, я́ко Бог,/ оста́вль во грóбе и погребáтельная Своя́./
Прииди́те, ви́дите, иудее́,/ ка́ко не расто́рже печáти, смерть попрáвий/
и ро́ду челове́ческому безконéчную жизнь да́руй, // и ве́лию ми́лость.**

Сла́ва Отцу́ и Сы́ну и Свято́му Ду́ху.

Стихи́ра Евангельская воскресная, глас 2:

**С ми́ры прише́дшим я́же с Мари́ею жена́м,/ и недоумева́ющимся,
ка́ко бу́дет им улучи́ти желáние,/ яви́ся ка́мень взят,/ и Божéственный
юноша утоля́я мяте́ж душ их,/ воста́ бо, глаго́лет, Иису́с Госпо́дь./
Тéмже проповéдите проповéдником Его́,/ ученико́м в Галиле́ю тещи́,
и ви́дети Его́ воскрэ́сша из ме́ртвых, // я́ко Жизнода́вца и Го́спода.**

И ныне и присно и во веки веков. Аминь.

**Преблагословéнна еси́, Богороди́це Де́во,/ Вопло́щшим бо ся из
Тебе́ ад плени́ся,/ Ада́м воззва́ся,/ кля́тва потреби́ся,/ Е́ва свободи́ся,
сме́рть умертви́ся, и мы о́жихом./ Тем воспева́юще вопие́м:/
благословéн Христóс Бог, // благово́ливши та́ко, сла́ва Тебе́.**

Сла́ва Тебе́, показáвшему нам свет.

ВЕЛИКОЕ СЛАВОСЛОВИЕ

**Сла́ва в вы́шних Бо́гу, и на земли́ мир, в челове́цах благово́ление. Хва́лим
Тя, благослови́м Тя, клáняем Ти ся, славосло́вим Тя, благодари́м Тя вели́кия
ра́ди сла́вы Твоея́. Го́споди, Царю́ Небе́сный, Бо́же, О́тче Вседержи́телю,
Го́споди Сы́не Единоро́дный, Иису́се Христэ́, и Святы́й Ду́ше. Го́споди Бо́же,
А́гнче Бо́жий, Сы́не Оте́чь, взéмляй грех ми́ра, помы́луй нас. Взéмляй грехи́**

міра, приими моли́тву на́шу. Седя́й одесну́ю Отца́, поми́луй нас. Я́ко Ты еси́ Еди́н Свят; Ты еси́ Еди́н Госпо́дь, Иису́с Христо́с, в сла́ву Бо́га Отца́, ами́нь.

На всяк день благословлю́ Тя и восхвалю́ и́мя Твое́ во ве́ки, и в век ве́ка. Сподоби, Го́споди, в день сей без греха́ сохранитися нам. Благословен еси́, Го́споди Бо́же оте́ц на́ших, и хва́льно и просла́влено и́мя Твое́ во ве́ки, ами́нь.

Бу́ди, Го́споди, ми́лость Твоя́ на нас, я́коже упова́хом на Тя.

Благословен еси́, Го́споди, научи́ мя оправда́нием Твоим. **Трижды.**

Го́споди, прибе́жище был еси́ нам в род и род. Аз рех: Го́споди, поми́луй мя, исцели́ ду́шу мою́, я́ко согреши́х Тебе́. Го́споди, к Тебе́ прибего́х, научи́ мя твори́ти во́лю Твою́, я́ко Ты еси́ Бог мой, я́ко у Тебе́ исто́чник живото́а, во све́те Твоём у́зрим свет. Проба́ви ми́лость Твою́ ве́дущим Тя.

Святы́й Бо́же, Святы́й Кре́пкий, Святы́й Безсме́ртный, поми́луй нас. Трижды.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в, ами́нь.

Святы́й Безсме́ртный, поми́луй нас.

Святы́й Бо́же, Святы́й Кре́пкий, Святы́й Безсме́ртный, поми́луй нас.

Тропа́рь воскресе́нный, глас 2:

Воскрес из гроба и ўзы растерза́л еси́ а́да,/ разруши́л еси́ осужде́ние сме́рти, Го́споди,/ вся от сетей врага́ изба́вивый;/ яви́вый же Себе́ апо́столом Твоим,/ посла́л еси́ я на про́поведь,/ и те́ми мир Твой по́дал еси́ вселе́нней, // Еди́не Многоми́лостиве.

ЗАВЕРШЕНИЕ УТРЕНИ

Го́споди, поми́луй. **40.**

Сла́ва, и ны́не:

Го́споди, поми́луй. **12.**

Сла́ва, и ны́не:

Утверди́, Бо́же, святу́ю правосла́вную ве́ру, правосла́вных христиа́н во ве́к ве́ка.

Честне́йшую Херуви́м и сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу, Тя велича́ем.

Сла́ва, и ны́не: Го́споди, поми́луй. **Трижды.** Благослови́.

Отпуст

Воскресый из мёртвых, Христэ, истинный Бóже наш, моли́твами Пречи́стыя Твоея́ Ма́тере, святы́х сла́вных и всехва́льных Апóстол, Святы́х жен-мироносиц (Марии Магдалины, Марии Клеоповой, Саломии, Иоанны, Марфы и Марии, Сусанны и иных), праведных Иосифа Аримафейского и Никодима, ихже и па́мять ны́не соверша́ем, святы́х и пра́ведных богооте́ц Иоакима и А́нны, и всех святы́х, помилуй и спаси́ нас, я́ко Благ и Человеколю́бец.

Христос воскресе из мёртвых, смёртию смерть поправ и сущим во гробех живёт даровав. Трижды.

И нам дарова́ живёт вéчный, поклоня́емся Егó триднёвному Воскресéнию.

Вели́каго господина́ и отца́ нашего́ Кири́лла, Святе́йшаго Патриарха Моско́вскаго и всея́ Русы́, и господина́ нашего́ высокопреосвяще́ннейшаго **ймарек**, митрополита́ [или́: архиепи́скопа; или́: преосвяще́ннейшаго **ймарек**, епи́скопа] [**его́же есть о́бласть**], настоя́теля, бра́тию и прихо́жан свята́го хра́ма нашего́, домоча́дцы на́ша и вся правосла́вныя христиа́ны, Го́споди, сохрани́ их на мно́гая léта.

ПЕРВЫЙ ЧАС

Христос воскресе из мёртвых, смёртию смерть поправ и сущим во гробех живёт даровав. Трижды.

Псалом 5

Глаго́лы моя́ внуши́, Го́споди, разумей́ зва́ние моё. Вонми́ гла́су моле́ния моего́, Царю́ мой и Бóже мой, я́ко к Тебе́ помолю́ся, Го́споди. Зау́тра услы́ши глас мой, зау́тра предста́ну Ти, и у́зриши мя. Я́ко Бог не хотя́й беззако́ния, Ты еси́: не приселит́ся к Тебе́ лука́внуяй, ниже́ пребу́дут беззако́нницы пред очы́ма Твои́ма: возненави́дел еси́ вся де́лающыя беззако́ние. Погуби́ши вся глаго́лющыя лжу: му́жа крове́й и льсти́ва гнуша́ется Госпо́дь. Аз же мно́жеством ми́лости Твоея́, вни́ду в дом Твой, поклоню́ся ко хра́му свято́му Твоему́, в стра́се Твоём. Го́споди, наста́ви мя пра́вдою Твоею́, враг мо́их ра́ди испра́ви пред Тобо́ю путь мой. Я́ко несть во устéх их истины, се́рдце их суетно, гроб отве́рст гортáнь их: язы́ки свои́ми льща́ху. Суди́ им, Бóже, да отпаду́т от мы́слей свои́х, по мно́жеству нече́стия их изри́ни я́, я́ко преогорчи́ша Тя, Го́споди. И да возвеселя́тся вси упова́ющи на Тя, во век возра́дуются, и всели́шия в них, и похва́лятся о Тебе́ лю́бящии и́мя Твоё. Я́ко Ты благослови́ши пра́ведника, Го́споди: я́ко ору́жием благоволе́ния венча́л еси́ нас.

Псалом 89

Господи, прибежище был еси нам в род и род. Прежде даже горам не бьти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража нощная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и изсхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобю: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчезит? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагал пред очима моима вещь законопреступную: творящая преступление возненавидех. Не прильпе мне сердце строптиво, уклоняющагося от мене лукаваго не познах. Оклеветавшаго тай искреняго своего, сего изгонях: гордым оком, и несытым сердцем, с сим не ядах. Очи мой на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утра избивах вся грешныя земли, еже потребити от града Господня вся делающыя беззаконие.

Слава, и ныне:

Аллилуиа, аллилуиа, аллилуиа, слава Тебе Боже. Трижды.

Господи, помилуй. Трижды.

Тропáрь воскресный, глас 2:

Егда снизшел еси к смерти, Животé Безсмертный,/ тогда ад умервил еси блистанием Божества;/ егда же и умершия от преисподних воскресил еси,/ вся Силы Небесныя взываху:// Жизнодавче, Христé Бóже наш, слава Тебé.

Слава:

Тропáрь праздника Трiбди, глас 2: (Недéли Миронóсиц)

Благообразный Иóсиф,/ с Дрéва снем Пречíстное Тéло Твоé,/ плащаницею чíстою обвив, и благоухáньми,/ во грóбе нóве, закрыв, положи,/ но триднéвен воскресл еси, Гóсподи,// подай мiрови вéлию мiлость.

И ныне:

Богорóдичен:

Что Тя наречём, о Благодáтная? Небо, я́ко возсияла еси Сóлнце Пράвды. Рай, я́ко прозябла еси цвет нетлénия. Дéву, я́ко пребыла еси нетлénна. Чíстую Мáтерь, я́ко имéла еси на святýх Твои́х объ́ятиях Сýна, всех Бóга. Тогó моли́ спаст́ся душáм нáшим.

Тáже:

Стопы́ мойя напра́ви по словеси́ Твоему́ и да не облада́ет мно́ю всякое беззакóние. Избáви мя от клеветы́ челове́ческа, и сохраню́ заповеди Тво́я. Лице́ Твоё просвети́ на раба́ Твоего́ и на́учи мя оправд́анием Твои́м.

Да испол́нятся уста́ мойя хвалéния Твоего́, Гóсподи, я́ко да воспою́ сла́ву Твою́, весь день великолéпие Твоё.

Святýй Бóже, Святýй Крéпкий, Святýй Безсмертный, помiлуй нас.
Трижды.

Сла́ва Отцу́ и Сы́ну и Свято́му Дýху, и ны́не и прiсно и во вéки веко́в.
Ами́нь.

Пресвятáя Трiбце, помiлуй нас; Гóсподи, очiсти грехи́ нáша; Влады́ко, прости́ беззакóния нáша; Святýй, посети́ и исцели́ нéмощи нáша, и́мене Твоего́ ра́ди.

Гóсподи, помiлуй. **Трижды. Сла́ва, и ны́не:**

О́тче наш, И́же еси́ на Небесéх, да святiтся и́мя Твоё, да приидет Цáрствие Твоё, да бóдет во́ля Тво́я, я́ко на Небеси́ и на землi. Хлеб наш насущный да́ждь нам днесь; и оста́ви нам до́лги нáша, я́коже и мы

оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Кондак, праздника Троицы, глас 2: (Недели Мироносиц)

Радоватися мироносицам повелел еси, / плачь праматере Евы утолил еси / воскресением Твоим, Христе Боже, / апостолом же Твоим проповедати повелел еси: // Спас воскресе от гроба.

Господи, помилуй. 40.

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагодарне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправь живот наш к заповедем Твоим, души наша освяти, телеса очисти, помышления исправь, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

И молитву часа:

Христе, Свете Истинный, просвещающий и освящающий всякаго человека, грядущаго в мир, да знаменается на нас свет лица Твоего, да в нем узрим Свет Неприступный: и исправь стопы наша к деланию заповедей Твоих, молитвами Пречистыя Твоея Матере, и всех Твоих святых, аминь.

Кондак Пасхи, глас 8:

Аще и во гроб снишел еси, Безсмертне, / но адову разрушил еси силу / и воскресл еси, яко Победитель, Христе Боже, / женам мироносицам вещавый: радуйтесь! / И Твоим апостолом мир даруяй, // падшим подай воскресение.

Слава, и ныне:

Господи помилуй. Трижды.

Воскресый из мертвых, Христе, истинный Боже наш, молитвами Пречистыя Твоея Матере, преподобных и богоносных отец наших и всех святых, помилуй и спаси нас, яко Благ и Человеколюбец. Аминь.